

摘藻堂四庫全書薈要

經部

欽定四庫全書薈要

經部

左傳注疏卷五十四

詳校官原任侍講_臣王燕緒



欽定四庫全書薈要卷一千一百七十

經部

春秋左傳注疏卷五十四

起定公元年盡四年

晉杜氏注 唐陸德明音義 孔穎達疏

定公音義

陸曰定公名宋襄公之子昭疏正義曰魯

名宋襄公之子昭公之弟史傳不言其母不知誰所生也以敬王十一年卽位諡法安民大慮曰定

經元年春王注公之始年而不書正月公卽位在六月

故疏

注正義曰凡新君初立必於歲首元日朝正於廟因卽改元正位百官以序國史因書於策云元年

春王正月公卽位也其或國有事故不得行卽位之禮國史亦書元年春王正月見此月公應卽位而有故不

得隱莊閔僖四公元年無事而空書春王正月其義也
此年不書正月者公即位位在六月故也傳稱昭公喪及
壞墮公子宋先入則正月之時定公猶從昭公之喪在
於乾侯未入魯竟國內無君不是即位闕禮故不須書
正月也釋例曰癸亥公之喪至自乾侯戊辰公即位喪
在外踰年乃入故因五日改殯之節國史用元年即位
之禮因以元年為此年也然則正月之時未有公矣公
未即位元必不改而於春夏即稱元年者公未即位必
未改元未改之日必乘前君之年於時春夏當名此年
為昭公三十三年及六月既改之後方以元年紀事及
史官定策須有一統不可半年從前半年從後雖則年
初亦統此歲故入年即稱元年也漢魏以來雖於秋冬
改元史於春夏即以元
年冠之是有因於古也

三月晉人執宋仲幾于京師注晉執人于天子之側而

不以歸京師故但書其執不書所歸音義

幾音機

疏

注正義曰

晉執仲幾傳無日月據經所書是三月始執案傳則不然也傳稱辛巳合諸侯之大夫于翟泉長歷推辛巳是正月七日也既會而魏舒始卒庚寅裁是正月十六日也宋仲幾不受功當於裁時不肯役耳士彌牟云晉之從政者新是士鞅已代魏舒矣乃執仲幾以歸三月歸諸京師必是既裁之後三月以前執以歸晉至三月乃歸於京師耳經書三月始執者晉人初執不告後知以歸不可至三月復歸於京師諱其以歸乃歸王故以三月初執告也縱晉執人諸侯不得相治事當使歸決於天子況在天子之側不以歸於京師晉人自知不可不以歸晉告魯故經但書其執不書所歸既不言歸王亦不言歸晉是不以所歸告也

夏六月癸亥公之喪至自乾侯注告於廟故書至○戊

辰公即位注定公不得以正月即位失其時故詳而日

之記事之宜無義例疏

注正義曰公羊傳曰即位不日此何以日錄乎內也穀梁以為

公喪在外踰年六月乃得即位危故日之左氏無此義故杜顯而異之正月即位正也定公不得以正月即位為失其時故詳而日之直記事之宜書日無義例

秋七月癸巳葬我君昭公注公在外薨故八月乃葬

九月大雩注無傳過也音義

雩音于

立煬宮注煬公伯禽子也其廟已毀季氏禱之而立其

宮書以譏之音義

煬羊讓反禱丁老反

疏

注正義曰諡法好內急政曰煬煬公伯禽子世

本世家文諸侯之禮親廟有四計煬公立孫既薨其廟既已毀矣季氏禱于煬公以求昭公不入公死於外謂禱有益而更立其宮賽之於禮不合更立惡其改變國典故書以譏之公羊穀梁皆云立者不宜立立煬宮非禮也

冬十月隕霜殺菽注無傳周十月今八月隕霜殺菽非

常之災音義

隕于敏反菽本又作叔音同

疏

注正義曰月令九月霜始降八月未應霜殺菽

菽者大豆之苗又是耐霜之穀今以八月隕霜霜能殺菽是非常之災故書之僖三十三年隕霜不殺草此云殺菽彼言不殺草者穀梁傳曰未可以殺而不殺舉重可殺而不殺舉輕其曰菽舉重也

傳元年春王正月辛巳晉魏舒合諸侯之大夫于狄

泉將以城成周魏子涖政注涖臨也代天子大夫為

政音義

涖音利
又音類

衛彪僊注衛大夫曰將建天子注立

天子之居而易位以令非義也人事奸義必有大咎

晉不失諸侯魏子其不免乎是行也魏獻子屬役於

韓簡子及原壽過注簡子韓起孫不信也原壽過周

大夫音義

奸音干咎其九反屬
之欲反過古禾反

疏

正義曰往年傳魏
子南面衛彪僊云

干位以令此云魏子涖政彪僊云易位以令文不同
者郊特牲云君之南鄉答陽之義也臣之北面答君
也然則禮國君乃南面往年魏子亦南面是干君之
位故云干位此時諸國為天子築城但當為君各致

徒後而已宜使天子之臣自號令之而魏子蒞政代天子大夫改易上下故為易位所譏別故其文異

而田於大陸焚焉注禹貢大陸在鉅鹿北嫌絕遠疑

此田在汲郡吳澤荒蕪之地火田并見燒也爾雅廣

平曰陸音義

蕪音無

疏

注正義曰禹貢云導河積石至于大伾北過降水至于大陸孔

安國云大陸澤名釋地十藪云晉有大陸郭璞曰今鉅鹿北廣阿澤孫炎曰廣阿猶大陸以地名言之近為是也計鉅鹿之城與周相去千有餘里魏子不應往彼田獵故嫌絕遠疑此田當在汲郡吳澤吳澤在脩武縣北還卒於甯甯即脩武城是也當時荒蕪之地故亦以大陸名焉引爾雅以證平地皆名陸也案爾雅高平曰陸杜言廣平者以吳澤之地地下寬平故以廣平言之非是不見爾雅劉君以爾雅高平曰

陸而規杜氏非

還卒於甯注甯今脩武縣近吳澤音義

近附

近

范獻子去其栢椁以其未復命而田也注范獻子

代魏子為政去其栢椁示貶之音義

去起呂反注同椁音郭

疏

正義曰喪大記云君松椁大夫柏椁士雜木椁是卿葬於禮用栢椁也以其未復君命而為田獵故獻子去其栢椁

○孟懿子會城成周注不書公未即位疏

注正義曰懿子往年唯受號令知所得丈尺人功而已今復將徒役城之計當更書之於策以公未即位無君可告故不書

庚寅栽注栽設板築音義

栽才代反又音再注同

宋

仲幾不受功曰滕薛卿吾役也注欲使三國代宋受

功役也音義

鄉五兮反
小邦國

薛宰曰宋為無道絕我小國

於周以我適楚故我常從宋晉文公為踐土之盟注

在僖二十八年曰凡我同盟各復舊職若從踐土若

從宋亦唯命仲幾曰踐土固然注固曰從舊薛舊為

宋後薛宰曰薛之皇祖奚仲居薛以為夏車正注皇

大也奚仲為夏禹掌車服大夫音義

夏戶雅反注同

奚仲遷

于邳注邳下邳縣音義

邳皮悲反

仲虺居薛以為湯左相

注仲虺奚仲之後音義

虺許鬼反
相息亮反

若復舊職將承王

官何故以役諸侯注承奉也仲幾曰三代各異物薛

焉得有舊注言居周世不得以夏殷為舊音義

馬於虔反

為宋役亦其職也士彌牟曰晉之從政者新注言范

獻子新為政未習故事疏

注正義曰魏舒以辛巳會諸國至庚寅相去唯十日

耳魏舒始卒已得范鞅代者范鞅本是中軍之佐於次當代魏舒蓋晉人聞舒卒而馳使代之

子姑

受功歸吾視諸故府注求故事仲幾曰縱子忘之山

川鬼神其忘諸乎注山川鬼神盟所告士伯怒謂韓

簡子曰薛徵於人注典籍故事人所知也宋徵於鬼

注取證於鬼神宋罪大矣且已無辭而抑我以神誣

我也啓寵納侮其此之謂矣注開寵過分則納受侵

侮音義

侮亡甫反分扶問反

疏

正義曰尚書說命傳說進戒於王云無啓寵納侮古有此言故

云其此之謂矣開彼寵人過其本分其人不知止足乃至侵侮在上據在上受之故云納侮

必以

仲幾為戮乃執仲幾以歸三月歸諸京師注知以歸

不可故復歸之京師音義

復扶又反

城三旬而畢乃歸諸

侯之戍齊高張後不從諸侯注後期不及諸侯之後

晉女叔寬曰周長弘齊高張皆將不免注叔寬女寬

也音義

莨直良反

莨叔違天高子違人注天既厭周德莨

弘欲遷都以延其祚故曰違天諸侯相率以崇天子

而高子後期故曰違人音義

厭於艷反祚才故反

天之所壞不

可支也衆之所為不可奸也注為哀三年周人殺莨

弘六年高張來奔起○夏叔孫成子逆公之喪于乾

侯注成子叔孫婁之子季孫曰子家子亟言於我未

嘗不中吾志也吾欲與之從政子必止之且聽命焉

注衆事皆諮問子家子音義

亟起冀反中丁仲反

疏

正義曰言子家子數

於公處致言於我云意如事君不敢不改又言君以一乘入於魯師季孫必與君歸季孫之意實然故云未嘗不中吾志吾欲與之從政欲用為大夫也公喪歸則從者散故令止之且聽命者一聽子家之所為子家欲將歸

子家欲將歸者即與之歸

子家子不見叔孫易幾而哭注幾哭會

也不欲見叔孫故朝夕哭不同會音義

朝如字

叔孫請

見子家子子家子辭曰羈未得見而從君以出注出

時成子未為卿音義

羈居宜反子家子名見賢遍反下同從才用反注義從同又如

字下從君從公放此

君不命而薨羈不敢見注言未受昭公之

命託辭以距叔孫叔孫使告之曰公衍公為實使羣

臣不得事君注二子始謀逐季氏疏

注正義曰謀逐季氏公為為之

傳文不言公行謀也但以公行見復為大子季氏欲俱廢之故言此也

若公子宋主社

稷則羣臣之願也注宋昭公弟定公凡從君出而可

以入者將唯子是聽子家氏未有後季孫願與子從

政此皆季孫之願也使不敢以告注不敢叔孫成子

名對曰若立君則有卿士大夫與守龜在羈弗敢知

若從君者則貌而出者入可也注貌出謂以義從公

與季氏無實怨音義

守手反

寇而出者行可也注與季

氏為寇讐者自可去若羈也則君知其出也注君昭

公而未知其入也羈將逃也喪及壞隤公子宋先入

從公者皆自壞隤反注出奔音義

壞徐音懷又戶怪反隤徒回反

六

月癸亥公之喪至自乾侯戊辰公即位注諸侯薨五

日而殯殯則嗣子即位癸亥昭公喪至五日殯於宮

定公乃即位疏

正義曰王制云天子七日而殯諸侯五日而殯自癸亥至戊辰五日殯訖

則嗣子即位故定公以此日即位也公羊穀梁皆云正棺於兩楹之間然後即位案正棺兩楹之間即禮所謂夷於堂者也喪大記君薨之禮云既小斂男女奉尸夷於堂鄭玄云諸侯之小斂於死者俱三日此

戊辰去癸亥五日非正棺之日不得為正棺即位也
雜記云諸侯行而死歸至於廟門遂入適所殯鄭玄
云適所殯謂兩楹之間自外來者正棺於兩楹之間
尸亦夷之於此因殯焉殯必於兩楹之間者以其死
不於室而自外來留之於中不忍遠也鄭取二傳之
說言死從外來者殯在兩楹之間若謂殯為正棺則
與杜言季孫使役如闕公氏將溝焉注闕魯羣公墓
合矣

所在也季孫惡昭公欲溝絕其兆域不使與先君同

音義

闕口暫反惡烏路反又如字

疏

正義曰闕是先公葬地春秋言氏猶如言家故謂公之墓

地為公氏言是公死之家宅也玄卿以為闕屬上句公氏將溝焉猶言將溝公氏焉古人多倒語公氏則

昭公榮駕鷩曰生不能事死又離之以自旌也注駕鷩

魯大夫榮成伯也旌章也音義

駕音加鷺五何反旌音精

縱子忍

之後必或恥之乃止季孫問於榮駕鷺曰吾欲為君

謚使子孫知之注為惡謚疏

注正義曰知者下文死又惡之所以知也

對

曰生弗能事死又惡之以自信也將焉用之乃止音

義

惡之如字又烏路反焉於虔反

疏正義曰信明也以自明己之不臣也

秋七月癸巳

葬昭公於墓道南孔子之為司寇也溝而合諸墓注

明臣無貶君之義疏

正義曰孔子之為司寇在定公十年以後未知何年溝之

○

昭公出故季平子禱于煬公九月立煬宮注平子逐

君懼而請禱於煬公昭公死於外自以為獲福故立

其宮疏

正義曰既毀其廟而得禱者蓋就祧而禱之

○周鞏簡公棄其子

弟而好用遠人注簡公周卿士遠人異族也為明年

鞏氏賊簡公張本音義

鞏九弟反好呼報反疏正義曰諡法平易不從曰簡

經二年春王正月

夏五月壬辰雉門及兩觀災注無傳雉門公宮之南門

兩觀闕也天火曰災音義

觀古亂反注及下同疏注正義曰明堂

卑門雉門天子應門是魯之雉門公宮南門之中門也釋宮云觀謂之闕郭璞曰宮門雙闕周禮大宰正月之

吉縣治象之法于象魏使萬民觀治象鄭衆云象魏闕也劉熙釋名云闕在門兩旁中央闕然為道也然則其上縣法象其狀魏魏然高大謂之象魏使人觀之謂之觀也是觀與象魏闕一物而三名也觀與雉門俱災則兩觀在雉門之兩旁矣公羊傳曰其言雉門及兩觀災何兩觀微也然則曷為不言雉門災及兩觀主災者兩觀也主災者兩觀則曷為後言之不以微及大也穀梁亦云災自兩觀始先言雉門尊尊也公羊稱子家駒云設兩觀諸侯僭天子其意以其奢僭故天災之左氏無此義案禮器云天子諸侯臺門此以高為貴也郊特牲云臺門大夫之僭禮也唯言大夫異於諸侯不言諸侯異於天子兩觀為僭禮無其文天之所災不可意卜言主災兩觀以門尊先門若災先從門起又將何以為異丘明無文或是災起雉門而延及兩觀也天火曰災宣十六年

傳例

秋楚人伐吳注囊瓦稱人見誘以敗軍音義

囊乃郎反

冬十月新作雉門及兩觀注無傳

傳二年夏四月辛酉鞏氏之羣子弟賊簡公注傳言

棄親用疎所以敗也○桐叛楚注桐小國廬江舒縣

西南有桐鄉吳子使舒鳩氏誘楚人注舒鳩楚屬國

曰以師臨我注教舒鳩誘楚使以師臨吳我伐桐為

我使之無忌注吳伐桐也偽若畏楚師之臨己而為

伐其叛國以取媚者也欲使楚不忌吳所謂多方以

誤之音義

為我于偽反注及下同

疏

正義曰桐是小國世屬於楚桐今叛楚楚有間隙故

吳子因是而謀之舒鳩自是楚之屬國居吳楚之間亦兩取其意故意吳得使之也吳子使舒鳩誘楚人又教舒鳩為辭曰令楚以師臨我我吳自稱我令楚臨吳也我當偽若畏楚為楚伐桐女舒鳩當為我誘楚我軍楚師或曰囊瓦本出師伐吳見吳欲伐桐而不設備遂被吳敗之又擊楚巢邑潛師圍而克之獲其守邑大夫為我伐之無忌謂為我之畏楚形狀使楚人無復防忌於我也若楚不忌吳則師不設備欲因其無備而掩襲取之耳下云吳人見舟于豫章偽欲伐桐也吳軍楚師于豫章掩其不備也潛師于巢吳人詐巢邑人云此師將伐桐也其實本擬取巢故下遂圍巢克之言潛者對豫章之師稱潛

秋楚

囊瓦伐吳師于豫章注從舒鳩言吳人見舟于豫章

注偽將為楚伐桐音義

見賢遍反

而潛師于巢注實欲以

擊楚冬十月吳軍楚師于豫章敗之注楚不忌故遂

圍巢克之獲楚公子繁注繁守巢大夫○邾莊公與

夷射姑飲酒私出注射姑邾大夫出辟酒音義

射音亦一

夜音闇乞肉焉奪之杖以敲之注奪闇杖以敲闇頭也

為明年邾子卒傳音義

闇音昏守門人也敲苦孝反又苦學反說文作敲云擊頭

也字林同又一曰擊聲也口交反又口卓反訓從敲云橫擗也又或作茅或作刺口交反

經三年春王正月公如晉至河乃復注無傳疏

正義曰三傳皆

無其說不知何故乃復賈逵云刺緩朝見辭失所不諱
罪己賈雖為此解於傳無文不可從故杜不言劉炫謂
公以六月即位此年便即往朝於事未為緩也晉人何
以辭之若以緩見譴當退謝罪何由此後更無謝處空
言罪己經無孫謝自罪之狀復安在乎晉若以緩致辭
必當更有譴責何由明年會次復得依常班序乃復之
意不可
縣知

二月辛卯邾子穿卒注再同盟音義

穿音

疏

注正義曰
穿以昭二

年即位十一年盟于禚祥二十六年
于鄆陵皆魯邾俱在是再同盟也

夏四月

秋葬邾莊公注六月乃葬緩

冬仲孫何忌及邾子盟于拔注拔地闕音義

拔皮八反

傳三年春二月辛卯邾子在門臺注門上有臺臨廷

闔以餅水沃廷邾子望見之怒闔曰夷射姑旋焉注

旋小便音義

廷音庭下竝同餅步丁反本又作瓶

命執之注見其不潔

執射姑弗得滋怒自投于牀廢于鑪炭爛遂卒注廢

隋也音義

鑪力吳反炭他旦反隋徒火反

先葬以車五乘殉五人注

欲藏中之潔故先內車及殉別為便房蓋其遺命音

義

先悉薦反又如字乘繩證反殉辭俊反藏才浪反

疏

注正義曰以人從葬謂之殉邾子好潔以

人為殉欲備地下掃除若令與柩同入恐其污履藏
內欲其藏中之潔故先內車及殉別為便房處之傳
言此事意在非責邾子若是葬者自為則非莊公之
罪無為輒說此事故云蓋其遺命也邾子隊鑪而卒
不應得有遺命疑其是遺命者禮國君即位而為柩
初立即營死事當是平素之時先有此命葬者奉行
之

莊公卞急而好潔故及是注卞躁疾也音義

卞皮
彥反

好呼報反下文及
注同躁早報反

○秋九月鮮虞人敗晉師于平中

注平中晉地獲晉觀虎恃其勇也注為五年士鞅圍

鮮虞張本○冬盟于郟注郟即拔也音義

郟音
談

脩邾

好也注公即位故脩好○蔡昭侯為兩佩與兩裘注

佩佩玉也以如楚獻一佩一裘於昭王昭王服之以
享蔡侯蔡侯亦服其一子常欲之弗與三年止之唐
成公如楚有兩肅爽馬子常欲之注成公唐惠侯之

後肅爽駿馬名音義

肅如字又所六反
爽音霜駿音俊

疏

注正義曰
宣十二年

傳有唐惠侯故云唐惠侯之後也釋畜於馬無肅爽
之名爽或作霜賈逵云色如霜純馬融說肅爽雁也
其羽如練高首而脩頸馬似之天下希有故子常欲
之杜以馬名臨時所作本意不可得知故直云駿馬

名弗與亦三年止之唐人或相與謀請代先從者許

之音義

從才用
反下同

疏

正義曰謂請楚楚許之也知非請
唐侯者若唐侯許之自合養馬何

須言飲先從者
竊馬以獻乎

飲先從者酒醉之竊馬而獻之子常

子常歸唐侯自拘於司敗

注竊馬者自拘音義飲於

拘九于反

曰君以弄馬之故隱君身

注隱憂約也音義

貢反

棄國家羣臣請相夫人以償馬必如之

注相助也
夫人謂養馬者

音義相息亮反夫音扶

唐侯曰寡人

之過也二三子無辱皆賞之蔡人聞之固請而獻佩

于子常子常朝見蔡侯之徒命有司曰蔡君之久也

官不共也

義

共音恭
注同

明日禮不畢將死注遣蔡侯之禮蔡侯歸

及漢執玉而沈曰余所有濟漢而南者有若大川注

自誓言若復渡漢當受禍明如大川音義

沈音鳩復
扶又反

蔡侯如晉以其子元與其大夫之子為質焉而請伐

楚注為明年會召陵張本音義

質音
致

經四年春王二月癸巳陳侯吳卒注無傳未同盟而赴

以名癸巳正月七日書二月從赴疏

注正義曰杜以長
歷按之知癸巳是

正月七日故云書二月從赴也知非日誤者以崩薨之事皆以赴為文故平王崩赴以庚戌陳侯卒赴以甲戌

己丑杜依大例而言故云從赴劉炫以為諸侯五月而葬下云六月葬陳惠公則陳侯卒在二月以為日誤而規杜氏今知非者但諸侯雖五月可葬春秋之時或緩或速無復常準此陳侯之葬事既無傳何知必五月而葬妄以杜為失其義非也

三月公會劉子晉侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏于召陵侵楚注於召陵先行會禮入楚竟故書侵音義夏戶雅反召上疏注正義曰先言於召陵後言侵楚是照反竟音境於召陵先行會禮也土地名召陵楚地也諸侯既入楚竟先行會禮後乃侵之故經書先會後侵也

夏四月庚辰蔡公孫姓帥師滅沈以沈子嘉歸殺之音

義

公孫姓本又作生姓音生

五月公及諸侯盟于皐鼬注召陵會劉子諸侯總言之

也繁昌縣東南有城皐亭復稱公者會盟異處故音義

鼬由又反復扶

疏

注正義曰書經之例諸侯先會而後

又反處昌慮反

盟

皆前目而後凡此共盟者還是前

會之諸侯前已歷序故於此總言之也劉子雖是王朝之臣而亦有封爵故諸侯之文可以兼劉子也僖二十九年王子虎與諸侯盟于翟泉貶之稱人此劉子得與諸侯盟者楚僭號稱王不事天子諸侯會而侵楚將以尊崇王室傳言劉文公合諸侯是天子敕之使盟也下文書劉卷卒葬魯人弔會依同盟之禮知劉子亦與盟

也復稱公者由其會盟異處故也劉炫規杜云會盟異處故復稱公案襄二十五年盟重丘亦是會盟異處何以不言公今刪定知非者但會盟異處理合稱公重丘不書公史官自略耳以此規杜非也

杞伯成卒于會注無傳音義

城成音

疏

正義曰成以昭二十五年即位二十

六年盟于邾陵三十二年于翟泉此年于臯鼫魯杞俱在計杜當云三同盟無注者漏脫耳諸侯薨于朝會加一等此既薨于會其禮亦當然

六月葬陳惠公注無傳

許遷于容城注無傳

秋七月公至自會注無傳

劉卷卒注無傳即劉蚩也劉子奉命出盟召陵死則天

王為告同盟故不具爵音義

卷音權一音眷免反蚩扶粉反為于偽反下吳為蔡

同疏

注正義曰昭二十二年傳曰單子立劉蚩即此是也世族譜伯蚩劉蚩劉文公劉狄劉卷劉子為一

人王朝公卿卒不赴魯魯不會葬文三年書王子虎卒傳曰來赴弔如同盟禮也彼為同盟于翟泉故也此亦書卒明為同盟故也畿內之國不得外交諸侯必非劉邑之臣來赴知是天子為告也天子告臣略言名封而已不言劉子故書不具爵

葬杞悼公注無傳

楚人圍蔡注不服故也

晉士鞅衛孔圉帥師伐鮮虞注無傳孔圉孔羈孫士鞅

即范鞅音義

圉魚
呂反

葬劉文公注無傳

冬十有一月庚午蔡侯以吳子及楚人戰于栢舉楚師
敗績注師能左右之曰以皆陳曰戰大崩曰敗績吳為
蔡討楚從蔡計謀故書蔡侯以吳子言能左右之也囊
瓦稱人貪以致敗不能死難罪賤之栢舉楚地昭三十
一年傳曰六年十二月庚辰吳入郢今以十一月者并

數閏音義

陳直觀反難乃疏

注正義曰師能左右之曰以僖二十六年傳例也皆

陳曰戰大崩曰敗績莊十一年傳例也吳大蔡小而蔡能以吳者吳子為蔡討楚言蔡能左右之也釋例曰吳

雖大國順蔡侯之請自將其衆唯蔡侯之命故亦言以吳子也囊瓦楚之上卿當稱名氏今稱人者貧以致敗

又不能死難罪賤之也釋例曰楚之囊瓦貪珮馬以致討稱人罪賤之也昭三十一年傳言六年十二月庚辰

吳人郢今以十一月與彼期有差殊者長厯推此年閏十月庚辰又是十一月二十九日其月垂盡并數閏得

為十二

月也 楚囊瓦出奔鄭注書名惡之音義

惡烏路反

疏 注正義曰

文八年宋司城來奔十四年宋子哀來奔傳皆云貴之也不稱名為貴之是稱名為惡之 庚辰吳入

郢注弗地曰入吳不稱子史略文疏

注正義曰弗地曰八襄十三年傳例

也上文戰稱吳子此言吳入楚不稱子猶成二年鄭伐許昭十二年晉伐鮮虞史略文無義例公羊穀梁以為吳於戰稱子為其憂中國故進而稱爵及其入郢君舍于君室大夫舍于大夫室反為戎蠻之行故貶而稱吳左氏無此義故杜異而顯之

傳四年春三月劉文公合諸侯于召陵謀伐楚也注

文公王官伯也晉人假王命以討楚之久留蔡侯故

曰文公合諸侯疏

注正義曰劉子是天子大臣故言王官伯也往年蔡侯如晉請晉耳

不請天子今稱劉文公合諸侯知是晉人告王假王命以討楚王使劉子會之故言劉文公合諸侯以示

稟於王命晉荀寅求貨於蔡侯弗得言於范獻子曰假王威也

國家方危諸侯方貳將以襲敵不亦難乎水潦方降

疾瘡方起中山不服注中山鮮虞音義

潦音老瘡魚略反

棄

盟取怨無損於楚注晉楚同盟伐之為取怨而失中

山不如辭蔡侯吾自方城以來楚未可以得志注晉

敗楚侵方城在襄十六年祇取勤焉乃辭蔡侯晉人

假羽旄於鄭鄭人與之注析羽為旌王者遊車之所

建鄭私有之因謂之羽旄借觀之音義

祇音支旄音毛析星厯反

下放疏

注正義曰周禮司常掌九旗之名物全羽為旌析羽為旌道車載旌遊車載旌鄭玄云全

羽析羽皆五采繫之於旒旌之上所謂注旒於干首也凡九旗之帛皆用絳道車象路也王以朝夕燕出入遊車木路也王以田以鄙是其析羽為旌王者遊車之所建也釋天云注旒首曰旌李巡曰以旌牛尾著旌首者也孫炎曰析五采羽注旌上亦有旒繆據彼文言之則羽毛者有五色鳥羽又有旌牛尾也言全羽析羽者盖有全取其翅或析取其翮故有全析二名也繫此鳥羽十尾於干首猶自別有絳為旒繆縣之於干今之旗幟猶然此傳直言羽耳注不引全羽而以析羽解之者以全羽尊於析羽鄭人所有未必尊貴故以析羽解之計羽旒所用其費無多晉人自應有之而襄十四年范宣子假羽毛於齊此又假羽旒於鄭者或當制作

明日或旒以會注或賤者也

巧異故聞而借觀之

繼旒曰旒令賤人施其旒執以從會示卑鄭音義

步旒

貝反旄音兆令力疏注正義曰鄭玄注論語云或云呈反下欲令蔡同疏言有人不顯其名而略稱為或是或為賤者也繼旄曰旂釋天文也郭璞曰帛續旄末為燕尾者然則旄謂旂身旂謂旂尾晉令賤人建此羽旄施其旄旂於下執之以從其會本謂其美而就鄭借觀之既得其物令賤人服用之是示其卑侮鄭也鄭是列國而晉卑侮之諸侯於是知晉輕蔑心皆怨恨故晉於是乎失諸侯晉於是乎

失諸侯注傳言晉無禮所以遂弱將會衛子行敬子

言於靈公注子行敬子衛大夫曰會同難注難得宜

嘖有煩言莫之治也注嘖至也煩言忿爭音義

嘖仕責反

一音責爭疏

注正義曰嘖至賈逵云然是相傳訓也易繫辭云聖人有以見天下之賾謂見

其至深之處蹟亦深之義也謂至於會時有
煩亂忽爭之言無才辨者則莫之能治也 其使祝

佗從注祝佗大祝子魚音義

佗徒何反從才用反下
師從旅從同大音泰下

大祝大卜大
史大原同

公曰善乃使子魚子魚辭曰臣展四體

以率舊職猶懼不給而煩刑書若又共二注共二職

音義

共音恭
注同

徼大罪也且夫祝社稷之常隸也注隸

賤臣也音義

徼古堯反
夫音扶

社稷不動祝不出竟官之制

也注社稷動謂國遷音義

竟音境
下同

疏

注正義曰周禮
大祝云大師宜

于社造于祖設軍社及軍歸獻于社則前祝天子之
祝如此則諸侯之祝官亦然也然則彼軍行唯有社

無稷今社稷俱動故知謂國遷也國遷唯在竟內得云祝不出竟者詩稱公劉遷豳大王來岐及春秋杞都陳留而遷緣陵及許遷于析之屬竝是離棄本國遠適它土故有出竟之事劉以社稷動謂軍行而規社非也

君以軍行被社釁鼓注師出先有事被禱於社

謂之宜社於是殺牲以血塗鼓鼙為釁鼓音義被音弗徐

音廢釁許靳反鼙疏注正義曰釋天云起大事動大衆必先有事乎社而後出謂之

宜是軍師將出必有祭社之事也周禮女巫掌祓除

釁浴則祓亦祭名故知祓社即宜社是也說文云釁

血祭也是殺牲以血塗鼓

祝奉以從注奉社主也音

義從如字又疏正義曰禮軍行必以廟主社主從軍而行尚書甘誓云用命賞于祖不用

命戮于社孔安國云天子親征必載遷廟之祖主及社主行有功則賞祖主前示不專也不用命奔北者則戮之於社主前社主陰陰主殺親祖嚴社之義也是軍行必載社主行故祝官奉主以從於是

乎出竟若嘉好之事注謂朝會音義

好呼報反

君行師從

注二千五百人鄉行旅從注五百人臣無事焉疏

正義正

曰此會因而侵楚衛侯當以軍行而云臣無事者晉本以會召諸侯傳言將會是赴會之時未知將侵伐也但諸國既集師衆公曰行也及臯鼬注將盟將長自多故因得行侵耳

蔡於衛注欲令蔡先衛歃音義

長丁丈反令力呈反先悉薦反下文先衛

同歃所洽反又所甲反

衛侯使祝佗私於萇弘曰聞諸道路不

知信否若聞蔡將先衛信乎長弘曰信蔡叔康叔之

兄也注蔡叔周公兄康叔周公弟疏

注正義曰史記管蔡世家云武

王同母兄弟十人母曰太姒文王正妃也其長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰邠叔武次曰霍叔處次曰康叔封次曰聃季載如彼文則蔡叔周公弟也今以蔡叔為周公兄者以僖二十四年傳富辰言文之昭十六國蔡在魯上明以長幼為次賈逵等皆言蔡叔周公兄故杜從之馬遷之言多辟謬故不用史記為說先衛不亦可乎子魚曰

以先王觀之則尚德也昔武王克商成王定之選建明德以藩屏周故周公相王室以尹天下注尹正也

音義

藩方元反
相息亮反

於周為睦注睦親厚也以盛德見親

厚分魯公以大路大旂注魯公伯禽也此大路金路

錫同姓諸侯車也交龍為旂周禮同姓以封音義分扶

問反下竝同路本亦作輅音路疏注正義曰周禮巾

下皆同旂其依反錫星厯反車云金路建大旂以賓同姓以封鄭玄云金路以金飾諸末大旂九旗

之畫交龍者以賓以會賓客同姓以封謂王子母弟以功德出封若魯衛也夏后氏之璜注璜美玉名音

義夏戶雅反下疏注正義曰夏后氏所寶厯代傳之皆同璜音黃知美玉名也哀十四年傳云向魋

出於衛地公文氏攻之求夏后氏之璜焉則璜非一也尚書旅獒及魯語皆云古者分同姓以寶玉展親

則先王不以玉賜向魍向魍自規求得之也鄭玄注周禮云半璧曰璜

封父之繁弱注

封父古諸侯也繁弱大弓名音義

父音甫下武父同封父國名繁扶元

反疏

注正義曰鄭玄云古者伐國遷其重器以與同姓此繁弱封父之國為之不知何時滅其國而

得之也孔叢云楚王張繁弱之弓載忘歸之矢以射蛟於雲夢是繁弱為弓名也

殷民六族

條氏徐氏蕭氏索氏長勺氏尾勺氏使帥其宗氏輯

其分族將其類醜注醜衆也音義

索素各反下同勺市灼反下同輯音

集又七
入反

以法則周公用即命于周注即就也使六族

就周受周公之法制是使之職事于魯注共魯公之

職事音義

共音恭下文以共王職同

以昭周公之明德注昭顯也

疏

正義曰使六族之長各自帥其當宗同氏輯合也合其所分枝屬族屬也將其族類人衆以法則周

公令其移家居魯用就受周公之命是以使之共職

事于魯以昭周公之明德也下賜殷民七族亦是使

之法則康叔令共職事于衛

也賜唐叔及懷姓九宗亦然

分之土田陪敦注陪增

也敦厚也音義

陪本亦作倍同步回反

疏

正義曰陪是加增之義敦厚釋詁文也言

既封為大國地方五百里又分以土田更增彼寬厚

為七百里也明堂位云封周公于曲阜地方七百里

鄭玄云公之地方五百里加魯以四等之附庸方百

里者二十四并五五二十五積四十九開方之得七

百里鄭玄周禮大司徒注云凡諸侯為牧正帥長及

有德者乃有附庸公無附庸侯附庸九同伯附庸七

同子附庸五同男附庸三同進則取焉退則歸焉魯於周法不得有附庸故言錫之也地方七百里者包附庸以大言之附庸二十四言得
兼此四等矣是增厚魯國之事也
祝宗卜史注大祝

宗人大卜大史凡四官備物典策注典策春秋之制

音義

策本又作冊亦作筴或作箒皆初革反

官司彝器注官司百官也

彝器常用器音義

彝羊之反疏正義曰祝宗接神之官大卜主卜大史主書與此四

等官人使之將歸於魯也服虔云備物國之職物之備也當謂國君威儀之物若今繖扇之屬備賜魯也杜不解備物則與典策為一也備物典策謂史官書策之典若傳之所云發凡之類賜之以法使依法書時事也官司彝器謂百官常用之
器蓋罇罍俎豆之屬具賜魯也
因商奄之民注商

奄國名也與四國流言或迸散在魯皆令即屬魯懷

柔之音義

迸彼諍反令徐力呈反

疏

注正義曰書傳云武王殺紂繼公子祿父及管蔡流

言奄君謂祿父曰武王死成王幼周公疑此百世之時請舉事然後祿父及三監叛是奄與四國流言也昭九年傳云蒲姑商奄吾東土也此復云因商奄之民則商奄是東方之國近魯之地也昭元年傳云周有徐奄杜以彼奄與此商奄為一故土地名奄商奄二名共為一國此注言商奄國名以商奄二字為國名也詩稱四國流言毛傳以四國為管蔡商奄則商奄各自為國奄則此奄是也商謂紂子祿父下云管蔡啟商是名祿父為商也然則毛言商奄為二杜言商奄為一杜言四國流言亦謂管蔡祿父與商奄為四也商奄即四國之一言與者據民與四國之君流言故言與也或者據奄君道三國為亂故言與總稱

四國非為商奄外別有四國也言封魯於少皞之虛則商奄非魯地也非魯地而言因其民是誅商奄之日民或迸散在魯皆命使即屬於魯令魯懷柔之命玄卿以為三監與商為四國奄在外故言與四國

以伯禽注伯禽周公世子時周公唯遣伯禽之國故

皆以付伯禽疏

注正義曰詩魯頌說封魯之事云王曰叔父建爾元子俾侯于魯是伯禽

為周公世子也魯世家云周公相成王使其子伯禽代就封于魯文十三年公羊傳曰周公何以稱大廟于魯封魯公以為周公也周公拜乎前魯公拜乎後曰生以養周公死以為周公也周公主然則周公之魯乎曰不之魯也封魯公以為周公則周公曷為不之魯欲天下之一乎周也其意言周公聖人若使之魯則恐天下迴心向之故不使之魯也以周公身不適魯唯遣伯禽之國故傳皆言分魯公不言分周公也傳言

命以伯禽於體例命以康誥命以唐誥則伯禽亦似
策命篇名今杜云唯遣伯禽之國故皆以付伯禽則
伯禽非是誥誓篇名若必是誥誓當云命以魯誥既
為國君不得與君牙伯同同類也劉炫云伯禽猶下
命以康誥是伯禽為命書似書序穆王命君牙
為周大司徒作君牙即以君牙為篇與此同也而封

於少皞之虛注少皞虛曲阜也在魯城內音義

少詩照反

注及下同皞胡老反虛起居反注及下皆同

疏

注正義曰此注少皞之虛即曲阜是也曲阜在魯城

內則魯之所都正在少皞虛矣昭二十九年注窮桑
少皞之號窮桑地在魯北與此異者賈逵云少皞居
窮桑登為帝蓋未為帝居魯北既為帝乃居魯也
分康叔注康叔衛之祖以

大路少帛績棧旃旌注少帛雜帛也績棧大赤取染

草名也通帛為旃折羽為旌音義

續七見反旌步貝反又音吠旃章然

反疏

注正義曰周禮司常云通帛為旌雜帛為物鄭玄云通帛謂大赤從周正色無飾雜帛者以帛

素飾其側白殷之正色大赤是通帛知少帛是雜帛也釋草云茹蒹茅蒐郭璞曰今之蒹也可以染絳則績是染赤之草蒹即旂也爾雅繼旒曰旂旒是旂身旂是旂尾尾猶用赤則通身皆赤知績蒹是大赤大赤即今之紅旗取染赤之草為名也蓋王以通帛雜帛竝賜衛也然則大赤即是旂也於績蒹之下更言旂者蒹言旂尾旂言旂身圓其文故具言耳若其不然旌是干之所建旗皆有旌少帛旂旂之後何須更復言旌明是圓

大呂注鐘名疏

正義曰周鑄無射魯鑄林鍾皆以律名名

其文故重言之

鍾知此大呂姑洗皆鐘名也其聲與此律相應故以律名焉

殷民七族陶氏施氏

繁氏錡氏樊氏饑氏終葵氏封畛土略自武父以南

及圃田之北竟注畛塗所徑也略界也武父衛北界

圃田鄭藪名音義

陶徒刀反繁步河反錡魚綺反畛之忍反一音真圃布五反本亦作

圃同塗音徒徑

疏注正義曰周禮遂人云夫間有遂廣深各二尺遂上有徑容車馬也

音經藪素口反

廣深各二尺遂上有徑容車馬也

十夫有溝廣深四尺溝上有畛容大車百夫有洫廣深八尺洫上有塗容乘車一軌千夫有澮廣二尋深

二仞澮上有道容二軌萬夫有川川上有路容三軌

畛是路故為塗所徑也桓十二年公會鄭伯盟于武

父杜云陳留濟陽縣東北有武父城彼是鄭地與此

武父非一也土地名云傳曰封畛土略自武父以南

則武父衛之北竟也非河南武父其地闕無處故直

云衛北界也釋地十藪鄭有圃田郭璞曰今滎陽中

牟縣西圃田澤是也
衛之南竟至此澤畔

取於有閭之土以共王職注有

閭衛所受朝宿邑盖近京畿音義

近附近之近
下近京同

取於

相土之東都以會王之東蒐注為湯沐邑王東巡守

以助祭泰山音義

相息亮反蒐所求反守手又反

疏

正義曰土地名有閭之土與相

土之東都其地皆闕無其處言共王職猶魯之許田盖近京畿也會王東蒐則為從王巡守助祭泰山為湯沐之邑若鄭之枋田盖近泰山也王巡守者諸侯為王守土天子以時出巡行之今言蒐則王之巡守亦因田獵以

聘季授土注聘季周公弟司空音義

聘乃

教習兵士

甘疏

注正義曰富辰言文之昭聘季在魯下史記大反如十子聘季最少是周公弟也周禮司空主土

司徒主民知聘季授土為司徒空也下陶叔授民為司徒也陶叔授民注陶叔司徒

命以康誥而封於殷虛注康誥周書殷虛朝歌也皆

啟以商政疆以周索注皆魯衛也啟開也居殷故地

因其風俗開用其政疆理土地以周法索法也音義

疆居良反

疏注正義曰王制云凡居民材必因天地注及下同寒煖燥濕廣谷大川異制民生其間者

異俗脩其教不易其俗齊其政不易其宜是言王者布政當順民俗而施之也此民習商之政為日已久還因其風俗開導以舊政也衛居殷虛開以商政可矣魯亦開以商政者王者所法不過二代夏在衛西魯在衛東夏政非魯所及與衛大同以殷之餘民有六族將其醜類以即事于魯故與衛皆啟以商政也

疆理土地以周法則三代經界法皆有異其異未盡聞也索之為法相傳訓耳考工記量器銘曰時文思索允臻其極鄭亦以索為法

分唐叔注唐叔晉之祖以大路密須

之鼓注密須國名闕鞏注甲名音義

鞏九勇反

沽洗注鐘

名音義

沽音孤洗息典反

懷姓九宗職官五正注懷姓唐之

餘民九宗一姓為九族職官五正五官之長音義

長丁

丈反下文疏

注正義曰懷姓居在晉地而不言殷民知是唐之餘民也言懷姓九宗則皆姓

懷矣知一姓而有九族也職官五正杜云五官之長則謂五官之長子孫耳曲禮云天子之五官曰司徒司馬司空司士司寇鄭玄云此殷時制也然則殷時五官居在唐地世為貴族以賜唐叔使主領之所以

榮寵唐叔也殷之五官不必皆在唐地但有三官四官亦得總五言之劉炫云職官五正職主也正長也主官事者有五長分九宗為五官使主之此九宗蓋宗有一人數少者當宗不足立官并之為五使五官領此九宗或以為於懷姓之內立五正使分主九宗未知誰是故備言之或以為五官之長謂如昭二十九年蔡墨所云五行之官長也是天子之大臣非唐之遺民然姓而有五也并賜唐叔豈天子得以五行官長賜命以唐誥而封於夏虛注唐誥誥命篇名也諸侯哉

夏虛大夏今大原晉陽也啟以夏政注亦因夏風俗開用其政疆以戎索注大原近戎而寒不與中國同故自以戎法三者皆叔也而有令德故昭之以分物

不然文武成康之伯猶多而不獲是分也唯不尚年

也疏

正義曰文武成康皆以處長而立未得更有兄伯封為諸侯而云伯猶多者以叔年稚於伯仲

處叔而得分多明其長者無所得伯是兄弟之長故舉伯以為言所云猶多者甚言之耳歷檢書傳文武成康未有兄為諸侯者幼者分物多長者無所得此唯為不尚年故也

管蔡啟商基間

王室注基毒也周公攝政管叔蔡叔開道紂子祿父

以毒亂王室音義

基音忌間間廁之間道音導

王於是乎殺管叔

而蔡蔡叔注周公稱王命以討二叔蔡放也音義

蔡蔡

叔上素達反注同下蔡叔如字

以車七乘徒七十人注與蔡叔車徒

而放之音義

乘繩證反

其子蔡仲改行帥德周公舉之以

為己卿士注為周公臣音義

行下孟反

見諸王而命之以

蔡注命為蔡侯音義

見賢遍反

其命書云王曰胡無若爾

考之違王命也注胡蔡仲名疏

正義曰書序云蔡叔既沒王命蔡仲踐諸

侯位作蔡仲之命其經云唯周公位冢宰正百工羣

叔流言乃致辟管叔于商囚蔡叔于郭鄰以車七乘

降霍叔于庶人三年不齒蔡仲克庸祇德周公以為

卿士叔卒乃命諸王邦之蔡王若曰小子胡惟爾率

德改行克慎厥猷肆予命爾侯于東土往即乃封敬

哉爾尚蓋前人之愆惟忠惟孝率乃祖文王之彝訓

無若爾考之違王命傳之此言皆述書意而為之辭

唯增言徒七十人耳孔安國云郭鄰中國之外地名

亦不知何方地名也注正義曰碁毒間亂賈逵云然是相傳訓也道祿父作亂將以害周若毒螫然故云毒亂王室也蔡仲之命篇云周公乃致辟管叔于商囚蔡叔于郭鄰則是周公誅之矣而此言王者周公稱王命以討之書序云成王既伐管叔蔡叔是稱王命之文也說文云蔡散之也從米殺聲然則蔡字殺下米也蔡為放散之義故訓為放也隸書改作已失字體蔡字不復可識寫者全類蔡字至有為一蔡字重點以讀之者今定本作蔡非也孔安國云明王之法誅父用子言至周公圻內諸侯二卿治事是為周公圻內采邑之卿也

若之何其使蔡先衛也武王之母弟八

人周公為大宰康叔為司寇聃季為司空五叔無官

豈尚年哉注五叔管叔鮮蔡叔度成叔武霍叔處毛

叔聃也疏

正義曰上言十人而此云八者伯邑考已死不數武王故八人尚書蘇公為司寇此

言康叔者為蘇公出封為國康叔替之注正義曰史

記云聃季載杜云毛叔聃又不數叔振鐸者杜以振

鐸非周公同母故不數之或杜曹文之昭也注文王

別有所見不以管蔡世家為說

子與周公異母音義

昭上饒反說文作紹

晉武之穆也注武王

子曹為伯甸非尚年也注以伯爵居甸服言小音義

甸徒疏

正義曰於昭穆曹是晉之叔父也晉為大國練反多受分物曹為伯爵而在甸服非是尊尚年

長也桓二年傳云晉甸侯也晉亦在甸唯侯伯之爵

異耳言為伯甸連言之耳於甸無升降也鄭玄云曹

今濟陰定陶也去王城八百里東都之畿方六百里

半之三百里侯服五百里定陶在畿外故為在甸服

言其小也

今將尚之是反先王也晉文公為踐土之盟衛

成公不在夷叔其母弟也猶先蔡注踐土召陵二會

經書蔡在衛上霸主以國大小之序也子魚所言盟

畝之次其載書云王若曰晉重注文公音義

重直龍反

魯

申注僖公衛武注叔武蔡甲午注莊侯鄭捷注文公

音義

捷在接反

齊潘注昭公音義

潘普安反

宋王臣注成公音

義

宋王臣如字本或作壬如林反

莒期注茲丕公也齊序鄭下周之

宗盟異姓為後音義

丕普悲反

藏在周府可覆視也吾子

欲復文武之略注略道也音義

覆芳服反

疏

正義曰言周家府藏之內

有此載書在也本或為盟府由僖五年傳藏於盟府涉彼而誤耳

而不正其德將如

之何長弘說告劉子與范獻子謀之乃長衛侯於盟

疏

正義曰正長也謂不長其有德者也釋例曰周之宗盟異姓為後故踐土之盟載書齊宋雖大降於

鄭衛斥周而言指謂王官之宰臨盟者也其餘雜盟未必皆然踐土召陵二會皆蔡在衛上時國次也至盟乃正其高下者敬共明神本其始也是言會以國之大小為次至盟乃先同姓盟之先同姓者唯謂王官之宰臨盟時耳踐土則王子虎盟諸侯于王庭此盟則劉子在焉故二者先同姓其餘雜盟亦以國之大小為次故襄二十七年宋之盟晉楚爭先若反自其皆先同姓則楚不得競也以此知餘盟不然

召陵鄭子大叔未至而卒晉趙簡子為之臨甚哀曰

黃父之會注在昭二十五年音義

說音悅為于偽反下楚為沈同臨力

鵠反父

夫子語我九言曰無始亂無怙富無恃寵無

音甫

違同無教禮無驕能注以能驕人音義

語魚據反怙音戶教五報

反

疏

正義曰古者一字與二字並為一言易云伏羲作十言之教曰乾坤震巽坎離艮兌消息乾坤

雖是二字亦一出口乃得言之故謂之一言今則一字為一言三字以上為一句

無復怒注

復重也音義

復扶又反注同

無謀非德注非所謀也無犯非

義注傳言簡子能用善言所以遂興○沈人不會于

召陵晉人使蔡伐之夏蔡滅沈秋楚為沈故圍蔡伍

員為吳行人以謀楚楚之殺卻宛也注在昭二十七

年音義員音云伯氏之族出注卻宛黨伯州犂之孫詬

為吳大宰以謀楚楚自昭王即位無歲不有吳師蔡

侯因之以其子乾與其大夫之子為質於吳冬蔡侯

吳子唐侯伐楚注唐侯不書兵屬於吳蔡音義犁力兮反

詬音鄙反乾其連反質音致舍舟于淮汭注吳乘舟從淮來過蔡

而舍之音義舍音赦置也又音捨棄也注同汭人銳反自豫章與楚夾漢

注豫章漢東江北地名音義

夾古疏注正義曰漢書洽反地理志豫章郡

名在江南此在江北者土地名云定二年楚人伐吳師于豫章吳人見舟於豫章而潛師于巢吳軍楚師于豫章又拓舉之役吳人舍舟于淮汭而自豫章與楚師夾漢此皆在江北淮南蓋後徙在江南之豫章

左司馬成謂子常曰子汭漢而與之上下注汭緣也

緣漢上下遮使勿渡音義

汭悅全反上時掌反遮正奢反

我悉方城

外以毀其舟注以方城外入毀吳所舍舟還塞大隧

直轅冥阨注三者漢東之隘道音義

隧音遂冥亡丁反本或作冥之

或反阨於懈反本或作隘音同

子濟漢而伐之我自後擊之必大敗

之既謀而行武城黑謂子常注黑楚武城大夫曰吳用木也我用革也注用軍器不可久也不如速戰史

皇謂子常楚人惡子而好司馬注史皇楚大夫司馬

沈尹戌音義

惡烏路反
好呼報反

若司馬毀吳舟于淮塞城曰

而入注城口三隘道之總名是獨克吳也子必速戰

不然不免乃濟漢而陳自小別至于大別注禹貢漢

水至大別南入江然則此二別在江夏界音義

陳直
覲反

下文及注同疏

注正義曰禹貢云蟠冢導漾東流為漢又東為滄浪之水過三澨至于大

別南入于江孔安國云三澁水名入漢大別山名觸
山迴南入江如彼文大別在江北小別當近之小別
當在大別之東也何則子常從小別與吳戰退而至
大別明其自東而漸西也土地名小別大別皆闕不
知所在或曰大別在安豐縣西南傳曰吳既與楚夾
漢然後楚乃濟漢而陳自小別至于大別然則二別
近漢之名無緣
反在安豐也

三戰子常知不可欲奔注知吳不可

勝史皇曰安求其事注求知政事難而逃之將何所
入子必死之初罪必盡說注言致死以克吳可以免

貪賄致寇之罪音義

難乃旦反

十一月庚午二師陳于栢

舉注經所以書戰二師吳楚師闔廬之弟夫槩王晨

請於闔廬曰楚瓦不仁注瓦子常名其臣莫有死志

先伐之其卒必奔而後大師繼之必克弗許夫槩王

曰所謂臣義而行不待命者其此之謂也今日我死

楚可入也音義

卒子忽反下同

疏

正義曰臣見義則行不待君命古有此言故云其此

之謂也今日我致死而戰楚可入也

以其屬五千先擊子常之卒子常

之卒奔楚師亂吳師大敗之子常奔鄭史皇以其乘

廣死注以戰死音義

乘繩證反廣古曠反

吳從楚師及清發注

清發水名將擊之夫槩王曰困獸猶鬪况人乎若知

不免而致死必敗我若使先濟者知免後者慕之蔑
有鬪心矣半濟而後可擊也從之又敗之楚人為食
吳人及之奔食而從之敗諸雍澁五戰及郢注奔食
食者走不陳故不在戰數音義澁市制反疏注正義曰五
陳自小別至于大別三戰也栢舉也清發也此已五
矣若復數雍澁則為六也傳例皆陳曰戰奔食而從
之則食者走不暇為陳故不數也

己卯楚子取其妹季芊畀我以出

涉睢注睢水出新城昌魏縣東南至枝江縣入江是

楚王西走音義

芊面爾反楚姓畀必利反世族譜季芊畀我皆平王女也服云畀我季芊

之字睢音七

疏

正義曰世族譜季芊與界我二人皆餘反下同

平王女也

服虔云季芊許嫁而字界

我季芊字也禮婦人許嫁笄而稱字季芊稱字是許嫁也蓋遭亂夫死而改適鍾建耳注正義曰睢地名

睢水出新城昌魏縣南發河山東南經襄陽至南郡

枝江縣入江此水在郢都之西楚王辟吳而西走

鍼尹固與王同舟王使執燧象以奔吳師注燒火燧

繫象尾使赴吳師驚却之音義

鍼之林反

疏

注正義曰賈逵

燧音遂

云燧火燧也象象獸也以火繫其尾使奔吳師驚却其衆使王得脫杜用其說也禮有金燧木燧皆取火之物故以燧名火也說文云象長牙鼻南越之大獸也南州異物志云象身倍數牛而目則如豕其鼻長七八尺其所食物皆鼻取之性馴良為人所養夷人服乘之史記大宛傳曰身毒國其民皆乘象以戰是

象可調馴楚近南邊故有此象王將涉睢吳師來偪
故使以火繫象尾令突吳師使驚馬却之執燧象者
既繫火於尾執而

庚辰吳入郢以班處宮注以尊卑

班次處楚王宮室子山處令尹之宮注子山吳王子

夫槩王欲攻之懼而去之夫槩王入之注入令尹宮

也言吳無禮所以不能遂克左司馬戍及息而還注

息汝南新息也聞楚敗故還敗吳師于雍澨傷注司

馬先敗吳師而身被創音義

創初良反

初司馬臣闔廬故

恥為禽馬注司馬嘗在吳為闔廬臣是以今恥於見

禽謂其臣曰誰能免吾首吳句卑曰臣賤可乎司馬

曰我實失子可哉注失不知子賢音義

句古疏正義侯反曰言

我比來失子不知子有賢行臨難能免吾首女今可守此言哉

三戰皆傷曰吾不可

用也已句卑布裳剄而裹之注司馬已死剄取其首

音義

剄古頂反裹音果

疏

注正義曰言布裳剄之是司馬傷而自殺故云已死

藏其身

而以其首免注傳言司馬之忠壯疏

注正義曰謀毀舟敗吳是忠也

雖傷猶戰不止是壯也

楚子涉睢濟江入于雲中注入雲夢澤

中所謂江南之夢音義

夢如字又音蒙

疏

注正義曰土地名云南郡枝江縣西

有雲夢城江夏安陸縣東南亦有夢城或曰南郡華容縣東南有巴丘湖江南之夢也郢都在江北睢東王走西涉睢又南濟江乃入于雲中知此在江南昭三年王與鄭伯田於江南之夢謂此也言江南之夢則江北亦有夢矣司馬相如子虛賦云雲夢者方九百里則此澤跨江南北

王寢盜攻之

以戈擊王王孫由于以背受之中肩王奔鄖鍾建負

季芊以從注鍾建楚大夫音義

中丁仲反鄖音云從才用反下同一音如

字

由于徐蘇而從注以背受戈故當時悶絕鄖公辛

之弟懷將弑王曰平王殺吾父我殺其子不亦可乎

注辛蔓成然之子鬬辛也昭十四年楚平王殺成然

音義

殺如字又申志反
下我殺同蔓音萬

辛曰君討臣誰敢讐之君命

天也若死天命將誰讐詩曰柔亦不茹剛亦不吐不

侮矜寡不畏彊禦唯仁者能之注詩大雅言仲山甫

不辟彊陵弱音義

茹音汝矜姑頑反

疏

正義曰詩大雅丞民義宣王之詩其章內

言仲山甫不茹柔不吐剛也釋言云啜茹也舍人曰

啜茹食也檀弓云啜菽飲水啜菽謂食藜藿也然則

茹者啜

食之名

違彊陵弱非勇也乘人之約非仁也滅宗廢

祀非孝也注弑君罪應滅宗動無令名非知也必犯

是余將殺女鬪辛與其弟巢以王奔隨音義

知音智女音汝

疏

正義曰桓六年傳曰漢東之國隨為大土地名隨義陽隨縣其國在楚之東也土地名鄖江夏雲杜

縣則是楚之西南吳師猶尚在楚更東來奔隨國者蓋為楚與隨有恩謂可保守故也

吳人從

之謂隨人曰周之子孫在漢川者楚實盡之天誘其

衷致罰於楚而君又竄之注竄匿也音義

衷音忠竄七亂反匿

女力反

周室何罪君若顧報周室施及寡人以獎天衷

注獎成也音義

施以政反

君之惠也漢陽之田君實有之

楚子在公宮之北注隨公宮也吳人在其南子期似

王注子期昭王兄公子結也逃王而已為王曰以我

與之王必免隨人卜與之不吉乃辭吳曰以隨之辟

小而密邇於楚楚實存之世有盟誓至于今未改若

難而棄之何以事君執事之患不唯一人注一人楚

王音義

辟匹亦反
難乃旦反

若鳩楚竟敢不聽命吳人乃退注

鳩安集也音義

境竟音

鑪金初官於子期氏實與隨人

要言注要言無以楚王與吳并欲脫子期音義

鑪本又作

鑪金名音
慮是也

王使見注王喜其意欲引見之以比王臣

且欲使盟隨人音義

見賢遍反下
注敢見義同

辭曰不敢以約為

利注此約謂要言也此一時之事非為德舉故辭不

敢見亦不肯為盟主音義

約如字又於妙反

王割子期之心

以與隨人盟注當心前割取血以盟示其至心初伍

員與申包胥友注包胥楚大夫音義

包必交反

其亡也謂

申包胥曰我必復楚國注復報也申包胥曰勉之子

能復之我必能興之及昭王在隨申包胥如秦乞師

曰吳為封豕長蛇以荐食上國注荐數也言吳貪害

如蛇豕音義

荐在薦反數所角反

疏

注正義曰釋言云荐再也再亦數之義也

虐始

於楚寡君失守社稷越在草莽使下臣告急曰夷德

無厭若鄰於君疆場之患也注吳有楚則與秦鄰音

義

草莽舊作茅亡交反今本多作莽莫蕩反下同厭於鹽反疆居良反場音亦

逮吳之未

定君其取分焉注與吳共分楚地音義

逮音代分扶問反

若

楚之遂亡君之土也若以君靈撫之世以事君注撫

存恤也秦伯使辭焉曰寡人聞命矣子姑就館將圖

而告對曰寡君越在草莽未獲所伏注伏猶處也下

臣何敢即安立依於庭牆而哭日夜不絕聲勺飲不

入口七日秦哀公為之賦無衣注詩秦風取其王于

興師脩我戈矛與子同仇與子偕作與子偕行音義

勺市灼反又音灼疏正義曰無衣刺用兵也秦人刺為于偽反仇音求其君好攻戰亟用兵而不與民

同欲焉其詩云豈曰無衣與子同袍王于興師脩我

戈矛與子同仇鄭注云此責康公之言也君豈嘗曰

女無衣我與女同袍乎言不與民同欲也下注云君

不與我同欲而於王興師則云脩我戈矛與子同仇

往伐之刺其好攻戰又云豈曰無衣與子同澤王于

興師脩我矛戟與子偕作又云豈曰無衣與子同裳

王于興師脩我甲兵與子偕行九頓首而坐注無衣三章章三頓首

秦師乃出注為明年包胥以秦師至張本

春秋左傳注疏卷五十四

春秋左氏傳注疏卷五十四考證

元年春王○

臣召南

按定無正月則此春王連下文三月為句也注家解所以無正月之故截此二字疏亦從之其實當連下讀

晉人執宋仲幾于京師疏長歷推辛巳是正月七日也
○監本脫推字

傳將以城成周魏子泣政衛彪僂曰一段○顧炎武日知錄曰此傳與昭三十二年傳共一事左氏兩收而

失刪其一耳周之正月晉之十一月也前傳曰己丑
士彌牟營成周云云此傳曰庚寅裁宋仲幾不受功
庚寅即己丑之明日而傳分為兩年豈有遲之兩月
而始裁宋仲幾乃不受功者乎且此後又不過三旬
而畢矣

傳魏獻子屬後於韓簡子注簡子韓起孫不信也○臣

浩按不信當是韓須之子須未及為卿先卒不信代
立者也史記韓世家宣子生貞子貞子生簡子然則

須卽貞子歟

傳孟懿子會城成周注不書公未卽位○趙汭補注曰
前年冬會而令役新年乃赴功無再書之法

傳晉女叔寬曰周襄弘齊高張皆將不免襄叔違天高
子違人天之所壞不可支也衆之所為不可奸也○
趙汭補注曰女寬之言不明君臣之義非知天者也
晉伯宗亦曰天方授楚皆周末士大夫偷慢之言至
范鞅謂季孫有天之贊則又託以文其奸皆邪說也

臣召南

按趙氏此論最正信如女叔寬言將自古忠

臣義士皆違天乎哉

傳子家子不見叔孫易幾而哭○趙汙補注曰季孫逐君君臣之義絕故子家子亦與季孫絕其不見叔孫即所以絕季孫也

傳吳人見舟於豫章而潛師於巢○臣召南按釋例土

地名謂豫章為淮南江北地甚確且與巢當亦不遠也

公如晉至河乃復○程子曰意如上不請天子下不請方伯而立定公故晉怒而公往朝焉晉辭公而復明年因會而請盟于臯鼬

蔡侯以吳子及楚人戰于柘舉○孫復曰以者乞師而用之也吳稱子者大救蔡也晉合十八國之君不能救蔡伐楚吳子救之伐之吳晉強弱之勢較然故自是諸侯大小皆宗於吳

傳晉荀寅求貨於蔡侯○臣召南按晉自平公以後其

卿大夫皆貪求賄賂致失諸侯與楚囊瓦何異哉范
鞅荀寅穢跡尤著宜乎先四族而亡也

傳嘖有煩言○煩監本訛作頓今改正

傳祝奉以從疏尚書甘誓云用命賞于祖○甘誓監本
訛作其音今改正

傳夏后氏之璜疏古者分同姓以寶玉展親○寶監本
訛作珍今改正

傳五叔無官豈尚年哉注毛叔聃也○臣召南按傳既

曰聃季為司空矣謂之無官可乎不數曹叔振鐸而數毛叔聃此不可解孔氏揣杜氏之意謂叔鐸非周公同母故不數之亦未可信

傳夫子語我九言曰○王應麟曰古以一句為一言子大叔九言論語一言以蔽之曰思無邪是也秦漢以來乃有句稱今以一字為一言如五言六言七言詩之類非也

又疏古者一字與二字並為一言易曰伏羲作十言

之教曰乾坤震巽坎離艮兌消息乾坤雖是二字亦
一出口乃得言之故謂之一言今則一字為一言三
字以上為一句○臣照按此疏語必有舛訛乾坤震
巽坎離艮兌消息為十字曰十言孔氏乃以乾坤二
字為一言則九言矣又以此為十言之教何也

傳奔食而從之○臣召南

按杜注以奔食為句林堯叟

以奔字為句食而從之為句言吳人即食楚軍之食
而從之戰也

傳九頓首而坐秦師乃出○

臣召南

按申包胥戰國策

謂之勢冒勃蘇莫敖子華曰昔吳與楚戰于柘舉三

戰入郢勢冒勃蘇羸糧潛行上崢山踰深溪蹠穿膝

暴七日而薄秦朝雀立不轉晝吟宵哭七日不得告

水漿無入口秦遂出革車千乘卒萬人屬之子滿與

子虎下塞以東與吳人戰于濁水大敗之即此事也

臣照

按管子申庶醫郢申庶當亦即是申包胥蓋吳

楚之間人名非告于上國而史得書于策者大抵皆

有音無字隨紀載者所聞而書之申應申包胥棼冒
勃蘇音皆似也

春秋左氏傳注疏卷五十四考證

謹案第四頁前八行疏地下寬平刊本監本毛本
平訛率據宋本改

第七頁後三行傳凡從君出諸本君訛公據宋本
改

第十一頁音義為我子偽反刊本苦訛若據經典釋
文改

第二十八頁前二行疏分九宗為五官諸本九訛
五據宋本改


第三十一頁前五行疏斥周而言諸本斥訛匡據
宋本改

第三十三頁前八行疏蟠冢導漾刊本蟠訛蟠今
改

第三十四頁前七行注以戰死諸本訛作以死戰
據宋本改

第三十五頁前二行疏昇我季芊字也諸本字訛
弟據宋本改

後二行疏執而牽向吳師諸本牽訛率據宋本改



覆校官編修臣項家達

校對官檢討臣郭寅

謄錄監生臣陳熙

欽定四庫全書薈要

經部

左傳注疏卷五十六



欽定四庫全書薈要卷一千一百七十一

經部

春秋左傳注疏卷五十五

起定公五年盡九年

晉杜氏注 唐陸德明音義 孔穎達疏

經五年春王三月辛亥朔日有食之注無傳

夏歸

栗于蔡注蔡為楚所圍饑乏故魯歸之粟疏

注正義曰

公羊傳曰孰歸之諸侯歸之曷為不言諸侯歸之離至不可得而序故言我也穀梁傳亦然賈逵取彼為說云不書所會後也杜以傳文唯言周亟矜無資自解魯歸粟之意不言諸侯歸之諸侯或亦歸之要此經所書其意不及諸侯故顯而異之言魯歸之粟

於越入吳注於發聲也疏

注正義曰公羊傳云於越者何越者何於越者未能以其

名通也越者能以其名通也其意言越與於越立文不同事有褒貶左氏無此義越是南夷夷言有此發聲史官或正其名或從其俗越與於越史異辭無義例

六月丙申季孫意如卒

秋七月壬子叔孫不敢卒注無傳

冬晉士鞅帥師圍鮮虞

傳五年春王人殺子朝于楚注因楚亂也終閔馬父之言○夏歸粟于蔡以周亟矜無資注亟急也音義

亟紀
力反

○越入吳吳在楚也○六月季平子行東野注

東野季氏邑音義

行下孟反下
桓子行同

還未至丙申卒于房

陽虎將以璵璠斂注璵璠美玉君所佩音義

璵本又作與音

餘璠音煩又方

疏

注正義曰案說文云璵璠魯之寶

煩反斂力驗反

玉璵璠是一玉名說文又云瑜美

玉與璵璠異也昭公出奔之後平子攝行君事入宗

廟佩此玉陽虎以平子嘗佩此玉故將以斂之仲梁

懷不與明此玉是君所佩也君之所佩故為美玉也

玉藻云公侯佩山玄土此當時所佩未必是山玄也

玉藻又云古之君子必佩玉右徵角左宮羽鄭玄云

徵角在右事也民也可以勞官羽在左君也物也宜

逸

仲梁懷弗與注懷亦季氏家臣曰改步改玉注昭

公之出季孫行君事佩璵璠祭宗廟今定公立復臣

位改君步則亦當去璵璠音義

去起

疏

正義曰步謂

行也玉藻云

君與尸行接武大夫繼武士中武鄭玄云尊者尚徐接武蹈半迹繼武跡相及也中武迹間容迹是君臣步不同也玉藻又云公侯佩山玄玉大夫佩水蒼玉是君臣玉不同也昭公之出季孫行君事為君行佩君王及定公立季孫復臣位故步玉皆改矣陽虎欲逐之告公山不狃不

狃曰彼為君也子何怨焉注不狃季氏臣費宰子洩

也為君不欲使僭音義

狃女九反為于偽反

注洩息列反僭子念反

疏

正義

曰家臣謂季氏為君故注云不欲使僭

既葬桓子行東野注桓子意如

子季孫斯及費子洩為費宰逆勞於郊桓子敬之勞

仲梁懷仲梁懷弗敬注懷時從桓子行輕慢子洩音

義

勞力報反下同從才用反下從父昆弟皆從王竝同

子洩怒謂陽虎子行之

乎注行逐懷也為下陽虎囚桓子起○申包胥以秦

師至秦子蒲子虎帥車五百乘以救楚注五百乘三

萬七千五百人音義

乘繩證反注同

子蒲曰吾未知吳道注

道猶法術使楚人先與吳人戰而自稷會之大敗夫

槩王子沂注稷沂皆楚地音義

沂魚依反

吳人獲遂射於

栢舉注遠射楚大夫音義

射食亦反又食夜反

其子帥奔徒注

奔徒楚散卒音義

卒子忽反

以從子西敗吳師於軍祥注

楚地秋七月子期子蒲滅唐注從吳伐楚故九月夫

槩王歸自立也以與王戰而敗注自立為吳王號夫

槩奔楚為堂谿氏注傳終言之音義

谿芳兮反

吳師敗楚

師於雍澨秦師又敗吳師吳師居麋注麋地名音義

麋九倫反

子期將楚之子西曰父兄親暴骨焉不能收又

楚之不可注前年楚人與吳戰多死麋中言不可并

焚音義

暴步
卜反

子期曰國亡矣死者若有知也可以歆

舊祀注言焚吳復楚則祭祀不廢音義

歆許
金反

豈憚焚

之焚之而又戰吳師敗又戰于公壻之谿注楚地名

吳師大敗吳子乃歸囚闔閭輿罷闔閭輿罷請先遂逃歸

注輿罷楚大夫請先至吳而逃歸言吳唯得楚一大

夫復失之所以不克音義

闔音因輿音餘又作與羊
汝反罷音皮復扶又反

葉公諸梁之弟后臧從其母於吳不待而歸注諸梁

司馬沈尹戌之子葉公子高也吳入楚獲后臧之母

楚定臧棄母而歸音義

葉舒涉反從如字又才用反

葉公終不正

視注不義之○乙亥陽虎囚季桓子及公父文伯注

文伯季桓子從父昆弟也陽虎欲為亂恐二子不從

故囚之音義

公父音甫

而逐仲梁懷冬十月丁亥殺公何

藐注藐季氏族音義

藐亡角反一音彌小反

己丑盟桓子于稷

門之內注魯南城門庚寅大誚逐公父歟及秦遄皆

奔齊注歟即文伯也秦遄平子姑壻也傳言季氏之

亂音義

誚莊慮反歟昌欲反遄市專反

○楚子入于郢注吳師已歸

初鬪辛聞吳人之爭宮也曰吾聞之不讓則和不

和不可以遠征吳爭於楚必有亂有亂則必歸焉能

定楚王之奔隨也將涉於成白注江夏竟陵縣有白

水出聊屈山西南入漢音義

馬於虔反白其九反屈其勿反

藍尹疊

涉其帑注疊楚大夫音義

藍力甘反疊亡匪反帑音奴

不與王舟

及寧王欲殺之注寧安定也子西曰子常唯思舊怨

以敗君何效焉王曰善使復其所吾以志前惡注惡

過也王賞鬪辛王孫由于王孫圉鍾建鬪巢申包胥

王孫賈宋木鬬懷注九子皆從王有大功者子西曰

請舍懷也注以初謀弑王也音義

舍音捨又音赦弑申志反

王曰

大德減小怨道也注終從其兄免王大難是大德音

義

難乃旦反

申包胥曰吾為君也非為身也君既定矣又

何求且吾尤子旗其又為諸注子旗蔓成然也以有

德於平王求欲無厭平王殺之在昭十四年音義

為君

于偽反下為身同厭於鹽反

遂逃賞王將嫁季芊季芊辭曰所以

為女子遠丈夫也鍾建負我矣以妻鍾建以為樂尹

注司樂大夫音義

遠于萬反
妻七計反

王之在隨也子西為王

輿服以保路國于脾洩注脾洩楚邑也失王恐國人

潰散故偽為王車服立國脾洩以保安道路人音義

脾婢支反

疏

正義曰王之在隨也國內無主子西以

洩息列反

民無所依恐其潰散故偽為王之車服

以安道路之人國于脾洩之地於時子西蓋假稱土矣

聞王所在而後從王王

使由于城麋注於麋築城復命子西問高厚焉弗知

疏

正義曰子西問由于所築麋城之高厚幾何由于不知董遇云問城高厚丈尺也本或有大小者涉

下文而

子西曰不能如辭注言自知不能當辭勿行

誤耳

疏

正義曰敢為不敢如為不如古人之語然也僖二十二年傳云若愛重傷則如勿傷愛其二毛則如

服焉經傳之文此類多矣

城不知高厚小大何知疏

正義曰王肅斷小大何知

為句注云如是小大何所知也張奐古今人論云子

西問城之高厚小大而弗知也子西怒曰不能則如

辭城之而不知又何知乎張奐引傳

對曰固辭不能

為文小大上屬杜雖無注蓋與張同

子使余也人各有能有不能王遇盜於雲中余受其

戈其所猶在袒而示之背曰此余所能也脾洩之事

余亦弗能也注傳言昭王所以復國有賢臣也音義

但祖音

○晉士鞅圍鮮虞報觀虎之後也注三年鮮虞

獲晉觀虎

經六年春王正月癸亥鄭游速帥師滅許以許男斯歸

注游速大叔子

二月公侵鄭公至自侵鄭注無傳

夏季孫斯仲孫何忌如晉

秋晉人執宋行人樂祁犁注稱行人言非其罪音義犁

兮反又
力之反

冬城中城注無傳公為晉侵鄭故懼而城之音義為子
偽反

季孫斯仲孫忌帥師圍鄆注無傳何忌不言何闕文鄆

貳於齊故圍之音義

鄆音運

疏

正義曰鄆是魯邑輒曰圍之必是鄆邑叛也三傳竝

無其事不知何為而叛明年齊人歸鄆是叛屬齊也

傳六年春鄭滅許因楚敗也○二月公侵鄭取匡為

晉討鄭之伐胥靡也注胥靡周地也周儋翩因鄭人

以作亂鄭為之伐胥靡故晉使魯討之匡鄭地取匡

不書歸之晉音義

為于偽反注同儋丁甘反翩音篇

疏

正義曰下注云鄭伐周六

邑在魯伐鄭取匡前而此獨云胥靡者此時須顯侵鄭之意故言討鄭之伐胥靡略言之也但鄭伐周事

須從下文成周發之故傳
文乃逆指下事為次也

往不假道於衛及還陽虎

使季孟自南門入出自東門注陽虎將逐三桓欲使

得罪於鄰國舍於豚澤衛侯怒使彌子瑕追之注彌

子瑕衛嬖大夫音義

豚杜孫反
嬖必計反

公叔文子老矣注文

子公叔發輦而如公曰尤人而效之非禮也疏

正義曰入

其國門非也追伐其師亦非也尤其非而復效之為
非禮也下云效小人以棄之即云天將多陽虎之罪
則公叔文子知此出入衛門是陽虎
之計非魯公使然尤人謂尤陽虎也
昭公之難君將

以文之舒鼎注衛文公之鼎成之昭兆注寶龜疏

正義

曰賈逵云舒鼎鼎名昭兆寶龜杜依用之蓋衛文公鑄此鼎也其名曰舒不知其故成之昭兆成公新得此龜蓋以灼之出兆兆文分明故名為昭兆

定之肇鑑注肇帶而以鏡為

飾也今西方羌胡猶然古之遺服音義

肇又作盤步丹反又蒲官

反鑑古暫反

苟可以納之擇用一焉公子與二三臣之子

諸侯苟憂之將以為之質注為質求納魯昭公音義

質音致

注同

此羣臣之所聞也今將以小忿蒙舊德注蒙

覆也無乃不可乎大姒之子注大姒文王妃音義

大音

泰姒音似

唯周公康叔為相睦也而效小人以棄之不亦

誣乎天將多陽虎之罪以斃之君姑待之若何乃止

注止不伐魯師○夏季桓子如晉獻鄭倅也注獻此

春取匡之倅音義倅芳夫反陽虎強使孟懿子往報夫人

之幣注虎欲困辱三桓并求媚於晉故強使正卿報

晉夫人之聘音義強其丈反注疏正義曰聘禮者諸

同下皆放此侯使卿聘鄰國之

禮也執圭以致君命執璧以致享幣其於夫人則聘

用璋享用琮聘君與夫人一使兼致之夫人不別使

也傳言報夫人之幣則晉之夫人嘗有聘魯者矣禮

法夫人不別遣使則晉之夫人聘者亦為晉君來聘

也經無其事蓋遣大夫來聘名字不合見經故略之

也不言報晉君唯言報夫人者桓子如晉獻鄭倅即

亦報聘晉也桓子報聘即亦得報夫人也但陽虎欲
困辱三桓又欲求媚於晉既使桓子報聘晉君又別
遣正卿報晉夫人所以晉人兼享之注賤魯故不復
困辱三桓而重晉禮也

兩設禮明經所以不備書音義

復扶又反

疏

注正義曰若桓子特為獻

俘懿子專為報聘則經當兩書如晉不合共文晉人
亦當兩設享禮各待一客今乃桓子聘晉君懿子報
夫人聘則似共為一使若賓與介然故晉人兼享之
賤魯故不復兩為設禮傳言此者明經所以不備書
也不備書謂不各自立文兩書如晉也若然文十八
年公子遂叔孫得臣如齊亦是經不備書而怪此不
備者彼傳言惠公立故且拜葬也則是魯竝命二卿
令行兩事雖各有所主而受命俱行故宜共文書之
此則桓子獻俘并亦報聘一卿足以兼之懿子不須
行矣陽虎強使之行乃是從後而去去時不同受命

宜當別書如晉止為晉人所賤故經不復備書正以傳言強使懿子報夫人之幣知桓子報晉君矣傳言兼享之知其不應兼矣以此明二人不同受命宜應別書略而不備書耳

孟孫立于房外

謂范獻子曰陽虎若不能居魯而息肩於晉所不以

為中軍司馬者有如先君注稱先君以徵其言若欲

使晉必厚待之疏

正義曰懿子之意不為陽虎求官欲使晉人知陽虎專權為國所患

言若不得居魯而息肩於晉示已知陽虎必將作亂而出奔也中軍司馬晉國大夫之最貴者為求此官似若欲使晉厚待之然令晉知其情耳諸言有如皆是誓辭稱先君以徵其言似若欲晉必從之

獻

子曰寡君有官將使其人注擇得其人鞅何知焉獻

子謂簡子曰魯人患陽虎矣孟孫知其釁以為必適

晉故強為之請以取入焉注欲令晉人聞虎當逃走

故強設請託之辭因此言以入晉令晉素知之音義

釁許靳反為之于

疏

注正義曰本意不為陽虎請官欲令晉人知陽虎終必逃走強

設託請之辭因此言辭以取入晉之意欲令晉人素知陽虎之必逃

○四月己丑吳大

子終釁敗楚舟師注終釁闔廬子夫差兄舟師水戰

音義

釁力追反又力軌反夫音扶差初佳反

獲潘子臣小惟子注二子

楚舟師之帥音義

惟位悲反本又作惟亦如字帥所類反

及大夫七人

楚國大惕懼亡子期又以陵師敗于繁揚注陵師陸

軍音義

惕他歷反

疏

注正義曰上云舟師水戰此言陵師陸軍南人謂陸為陵此時猶然釋地

云高平曰陸大陸曰阜大阜曰陵是陵陸小大之異名耳

令尹子西喜曰乃今可

為矣注言知懼而後可治於是乎遷郢於郢而改紀

其政以定楚國注傳言楚賴子西以安音義

郢音若

○

周儋翩率王子朝之徒因鄭人將以作亂于周注儋

翩子朝餘黨鄭於是乎伐馮滑胥靡負黍狐人闕外

鄭伐周六邑在魯伐鄭取匡前於此見者為成周起

也陽城縣西南有負黍亭音義

見賢遍反下文見溷并注同為于偽反下

同

六月晉閻沒成周且城胥靡注為下天王出居姑

猶起○秋八月宋樂祁言於景公曰諸侯唯我事晉

今使不往晉其憾矣樂祁告其宰陳寅注以與公言

告之音義

使所吏反憾戶暗反

陳寅曰必使子往他日公謂樂

祁曰唯寡人說子之言子必往陳寅曰子立後而行

吾室亦不亡注寅知晉政多門往必有難故使樂祁

立後而行音義

說音悅難乃旦反下文同

唯君亦以我為知難而

行也見溷而行注溷樂祁子也見於君立以為後音

義

溷侯溫反又侯困反

趙簡子逆而飲之酒於縣上獻楊楯六

十於簡子注楊木名音義

飲於鵠反楯食允反又音允

陳寅曰昔

吾主范氏今子主趙氏又有納焉以楊楯賈禍弗可

為也已注知范氏必怨將得禍音義

賈音古

然子死晉

國子孫必得志於宋注以其為國死音義

為于偽反下同

范

獻子言於晉侯曰以君命越疆而使未致使而私飲

酒不敬二君不可不討也乃執樂祁注獻子怒祁比

趙氏經所以稱行人音義

疆居良反使所吏反下同此毗志反

○陽虎

又盟公及三桓於周社盟國人于亳社詛于五父之

衢注傳言三桓微陪臣專政為八年陽虎作亂起音

義

亳步各反詛側慮反父音甫衢其俱反

○冬十二月天王處于姑猶

注姑猶周地音義

猶音由一音由舊反

辟僭翩之亂也注為明

年單劉逆王起音義

單音善

經七年春王正月

夏四月

秋齊侯鄭伯盟于鹹注衛地音義

鹹音咸

齊人執衛行人北宮結以侵衛注稱行人非使人之罪

音義

使所吏反

齊侯衛侯盟于沙注結叛晉也陽平元城縣

東南有沙亭音義

沙如字又星和反

大雩注無傳過也

齊國夏帥師伐我西鄙注夏國佐孫

九月大雩注無傳過也疏

注正義曰案賈逵云旱也杜言過者杜以春秋旱雩傳皆

發之言旱以此傳無旱文故謂之過如賈之所言前既有雩後又有雩旱可知不須發傳若然昭二十五年上

辛大雩季辛又雩一月兩雩旱亦可知何須發傳言旱甚也劉以賈言規杜非也蓋時有小旱故傳不言旱未應合雩故杜云過也

傳七年春二月周儋翩入于儀栗以叛注儀栗周邑

○齊人歸鄆陽關陽虎居之以為政注鄆陽關皆魯

邑中貳於齊齊今歸之不書虎專之音義中丁仲反○夏

四月單武公注穆公子劉桓公注文公子敗尹氏于

窮谷注尹氏復黨儋翩共為亂也音義復扶又反○秋齊

侯鄭伯盟于鹹徵會于衛注徵召也衛侯欲叛晉注

屬齊鄭也諸大夫不可使北宮結如齊而私於齊侯

曰執結以侵我注欲以齊師懼諸大夫齊侯從之乃

盟于瑣注瑣即沙也為明年涉佗拔衛侯手起音義

瑣素果反佗徒何反拔子對反齊國夏伐我注齊叛晉故陽虎御季

桓子公斂處父御孟懿子注處父孟氏家臣成宰公

斂陽音義斂力檢反又音庶或音慮點反將宵軍齊師齊師聞之墮

伏而待之注墮毀其軍以誘敵而設伏兵音義墮許規反

處父曰虎不圖禍而必死注而女也音義女音汝下文同疏

正義曰齊人設伏待魯若入其伏內是為禍也虎不謀此禍而欲夜掩齊師女必死處父欲自殺之苦

夷曰虎陷二子於難注苦夷季氏家臣二子季孟音

義苦始占反不待有司余必殺女虎懼乃還不敗注

傳言陪臣強能自相制季孟不敢有心疏正義曰言不待掌刑

戮之有司余必自殺女也虎見二子以此言懼之乃還不敗○冬十一月戊午單

子劉子逆王于慶氏注慶氏守姑猶大夫晉籍秦送

王己巳王入于王城注己巳十二月五日有日無月

疏注正義曰此年經傳日少上下無可考驗杜自以長歷校之己巳為十二月五日館于公

族黨氏注黨氏周大夫音義

黨音掌

而後朝于莊宮注

莊王廟也

經八年春王正月公侵齊注報前年伐我西鄙公至自侵齊注無傳

二月公侵齊注未得志故三月公至自侵齊注無傳

曹伯露卒注無傳四年盟臯鼫音義

鼫由反疏注正義曰

十八年即位三十二年諸侯之大夫盟于狄泉魯曹俱在時以未告公而公薨故不書于經杜蓋以此故不數之四年盟臯鼫四年二月陳侯吳卒其年盟于臯鼫自爾以來唯有此盟耳

夏齊國夏帥師伐我西鄙音義

國夏戶雅反
年未注同

公會晉師于瓦注瓦衛地將來救魯公逆會之東郡燕

縣東北有瓦亭音義

瓦顏寡反
燕音煙

公至自瓦注無傳

秋七月戊辰陳侯柳卒注無傳四年盟臯鼬音義

柳力
久反

本或
作抑

晉士鞅帥師侵鄭遂侵衛注兩事故曰遂

葬曹靖公注無傳疏

正義曰謚法共
以解信曰靖

九月葬陳懷公注無傳三月而葬速疏

正義曰謚法慈
仁短折曰懷

季孫斯仲孫何忌帥師侵衛

冬衛侯鄭伯盟于曲濮注無傳結叛晉曲濮衛地音義

濮音

卜

從祀先公注從順也先公閔公僖公也將正二公之位

次所順非一親盡故通言先公疏

注正義曰傳言順祀是從為順也文二年

大事于太廟躋僖公升僖于閔上閔先為君退在僖下是逆也今升閔在僖上依其先後是順也廟主失次唯此二公故知從祀先公唯閔僖耳躋僖公指僖言之此不指言升閔者彼所升者止升僖公之一神不得不得不言僖公也今從祀之時閔僖俱得正位且以親盡故通言先公此言從祀躋僖公不言逆祀者此從祀因躋僖

公之文故得略言從祀至於躋僖公文無所繫不知逆祀何公且見是親廟不可言先公故指僖言之而言躋也然則此以親盡故通言先公下桓宮僖宮災彼亦親盡言桓僖者彼據災之所在須指言其處與此體例不同

盜竊寶玉大弓注盜謂陽虎也家臣賤名氏不見故曰

盜寶玉夏后氏之璜大弓封父之繁弱音義

見賢遍反璜音黃父

音疏注正義曰傳言陽虎取寶玉大弓以出是盜謂陽甫虎也公羊傳曰盜者孰謂謂陽虎也陽虎者曷為

者也季氏之宰也季氏之宰則微者也惡乎得國寶而竊之陽虎專季氏季氏專魯國其說將殺季氏亦與左傳大同春秋之例再命之卿始得名氏書經陽虎季氏家臣以賤名氏不見故書曰盜盜者賤人之稱也此寶

王大弓必是國之重寶歷世掌之故自劉歆以來說左氏者皆以為夏后氏之璜封父之繁弱成王所以分魯公也公羊傳曰寶者何璋判白弓繡質龜青純彼不知魯有先王分器繆為言耳且所盜無龜知其竝是妄也

傳八年春王正月公侵齊門于陽州注攻其門士皆

坐列注言無鬪志曰顏高之弓六鈞注顏高魯人三

十斤為鈞六鈞百八十斤古稱重故以為異強音義

鈞音均稱尺證

疏注正義曰漢書律歷志云量者侖

反強其丈反

合升斗斛也本起黃鍾之侖以子

穀秬黍中者千有二百實其侖合侖為合十合為升十升為斗十斗為斛而五量嘉矣權者銖兩斤鈞石也本起黃鍾之重一侖容千二百黍重十二銖兩之為兩十六兩為斤三十斤為鈞四鈞為石而五權謹

矣由此而言侖之所容重十二銖合侖為合兩之為
兩則合重一兩升重十兩斗重百兩斛重千兩計六
鈞有一百八十斤合為二千八百八十兩於量為重
兩斛八斗八升計今人用弓此亦未為彊矣而魯人
傳而觀之故杜以為古稱重故以為異強計古稱亦
準黃鍾之重為之而得重於今者權量之起本自黃
鍾而世俗不同每有改易傳稱齊舊四量陳氏皆加
一焉是其不必常依古也近世以來或輕或重魏齊
斗稱於古二而為一同隋斗稱於古三而為一則古
時亦當然杜言古者謂此頗高之時為古耳非言自
古稱皆重也皆取而傳觀之陽州人出顏高奪人弱弓籍

丘子鉏擊之與一人俱斃注子鉏齊人斃仆也音義

傳直專反鉏仕居反與一人俱斃婢世反顏高與一
人俱為子鉏所擊而仆仆音赴又蒲北反孫炎云前

覆曰

偃且射子鉏中頰殪注子鉏死音義

且如字射食亦反下

同中丁仲反下同頰古協反殪於計反死也言顏高雖為子鉏所擊偃仆且射子鉏中頰而死言其善射也一讀且音子餘反云偃且人姓名也檢世族譜無此人一讀者非也疏正義曰釋言炎曰前覆曰仆吳越春秋稱要離謂吳王夫差曰臣迎風則偃背風則仆是前覆是卻倒此顏高被擊而仆乃轉而仰且射子鉏猶死言其善射之功然也顏息射人中眉注顏息魯

人退曰我無勇吾志其目也注以自矜師退冉猛偽

傷足而先注猛魯人欲先歸其兄會乃呼曰猛也殿

注會見師退而猛不在列乃大呼詐言猛在後為殿

傳言魯無軍政音義

呼火故反殿
丁電反注同

○二月己丑單子

伐穀城劉子伐儀栗注討儋翩之黨穀城在河南縣

西音義

單音善儋丁
甘反翩音篇

辛卯單子伐簡城劉子伐孟以

定王室注傳終王室之亂音義

孟音
于

○趙鞅言於晉

侯曰諸侯唯宋事晉好逆其使猶懼不至今又執之

是絕諸侯也將歸樂祁士鞅曰三年止之無故而歸

之宋必叛晉注執樂祁在六年音義

好呼報反
使所吏反

獻子

私謂子梁注獻子范鞅子梁樂祁曰寡君懼不得事

宋君是以止子子姑使溷代子注溷樂祁子音義溷侯

溫反又侯困反

子梁以告陳寅陳寅曰宋將叛晉是棄溷也

不如待之注留待勿以子自代樂祁歸卒于大行注

大行晉東南山音義

大音泰行戶郎反一音衡

士鞅曰宋必叛不

如止其尸以求成焉乃止諸州注州晉地為明年宋

公使樂大心如晉張本○公侵齊攻廩丘之郭注郭

郭也音義

廩力甚反郭芳夫反

主人焚衝注衝戰車音義

衝昌容反

說文作輶云陷陣車也

或濡馬褐以救之注馬褐馬衣音義

濡人

于反禍
戶葛反
遂毀之注毀郛主人出師奔注攻郛人少故

遣後師走往助之疏

正義曰賈逵以為主人出魯師奔走而卻退言魯無戰備也劉

炫云杜亦不勝舊今杜必異於賈以為後師奔走往助之者若以賈言魯師奔走則是被敗而還下傳陽虎何得云猛在此必敗明其於時不敗故猛得逐廩丘之人是賈言非也陽虎偽不見冉

猛者曰猛在此必敗注陽州之役猛先歸言若在此

必復敗音義

復扶又反

猛逐之顧而無繼偽顛注逐廩丘

人虎曰盡客氣也注言皆客氣非勇音義

客苦百反

○苦

越生子將待事而名之注苦越苦夷音義

苦戎占反

陽州

之役獲焉名之曰陽州注欲自比僞如音義

僞其驕反

○

夏齊國夏高張伐我西鄙注報上二侵晉士鞅趙鞅

荀寅救我注救不書齊師已去未入竟音義

竟音境

疏

注正義曰春秋諸侯相救皆書於經此救亦當書之不書者齊師聞晉來救已去魯地晉師未入魯竟不成為救故不書也公會晉師于瓦瓦是衛地公往衛地會晉師是其未入竟也公會晉師于

瓦范獻子執羔趙簡子中行文子皆執雁魯於是始

尚羔注獻子士鞅也簡子趙鞅也中行文子荀寅也

禮卿執羔大夫執雁魯則同之今始知執羔之尊也

卿不書禮不敵公史略之音義

行戶疏注正義曰禮卿執羔大夫

執雁周禮大宗伯文也魯則同之蓋命卿與大夫俱執雁今見士鞅執羔始知執羔之尊於是方始尚羔令卿執之記禮廢之久也傳言於是始尚羔必往前不執羔矣但往前所執難知先儒各以意說賈逵云周禮公之孤四命執皮帛卿三命執羔大夫再命執雁魯廢其禮三命之卿皆執皮帛至是乃始復禮尚羔案周禮禮記皆言卿執羔大夫執雁竝以爵斷不依命數賈何以計命高下妄稱禮乎傳言始尚羔者當謂舊賤羔而今尊之耳若本僭孤禮皆執皮帛當云始復用羔不得云尚也若改僭從禮得名為尚則初獻六羽何以不言始尚六佾也以尚言之足知魯卿舊執非皮帛矣鄭衆云天子之卿執羔大夫執雁諸侯之卿當天子之大夫故傳曰唯卿為大夫當執雁而執羔僭天子之卿也魯人效之而始尚羔記禮

所從壞案禮傳及記天子之臣與諸侯之臣所執無異文也周禮掌客見諸侯之禮上公及侯伯之下皆云卿相見以羔是諸侯之卿執羔不執雁又士相見者諸侯之臣相見之禮也經曰下大夫相見以雁上大夫相見以羔是諸侯之卿必執羔矣安在於諸侯之卿當天子之大夫乎是則背明文而用肺腸也天子諸侯之臣所異者士相見之禮羔雁皆云飾之以布而曲禮云飾羔雁者以續鄭玄云此為諸侯之臣與天子之臣異也然則天子之臣衣之以布而又畫之諸侯之臣則用布不畫所異唯此而已其執不為異也傳文之乖於禮者爵是卿也皆當執羔趙鞅苟寅不應執雁此是當時之失失於偏下以晉卿失於偏下魯卿不應僭上益明賈言魯卿舊執皮帛非其義矣魯人於是始知執羔為尊或亦效晉唯上卿一人獨執羔耳未必即能如禮諸卿皆執羔也此經言公會晉師不言公會士鞅僖二十九年傳曰在禮卿

不會公侯會伯子男可也故杜云卿不書禮不敵公史略之劉炫云案宣元年會晉師于裴林伐鄭杜云趙盾稱師取於師會故稱師何知此非亦以師會故稱師而云禮不敵公略稱師乎今知不然者以宣元年諸侯俱在又文連伐鄭故言師會此則公之獨會晉師又無征伐之事故以為卿不書禮不敵公史略之劉以此與宣元年竝取於師會以規杜氏非也

○晉師將盟衛侯于鄆澤

注自瓦還就衛地盟音義

鄆音專又市轉反本亦作膊同

趙簡子曰

羣臣誰敢盟衛君者注前年衛叛晉屬齊簡子意欲

摧辱之涉佗成何曰我能盟之注二子晉大夫音義

佗徒何反衛人請執牛耳注盟禮尊者涖牛耳主次盟者

衛侯與晉大夫盟自以當涖牛耳故請䟽

注正義曰盟用牛耳

卑者執之尊者涖之請執牛耳請使晉大夫執牛耳周禮戎右云盟則贊牛耳鄭玄云謂尸盟者割牛耳取血助為之褻二十七年傳曰諸侯盟小國固必有尸盟者是小國主備辦盟具宜執牛耳哀十七年傳曰公會齊侯盟于蒙孟武伯問于高柴曰諸侯盟誰執牛耳季羔曰鄆衍之役吳公子姑曹發陽之役衛石魋武伯曰然則彘也鄆衍吳為盟主不知盟禮當令小國執牛耳而自使其臣執之發陽宋魯衛三國衛為小蒙則齊魯二國魯為小皆是以小國執牛耳而尊者涖之以主次同盟者今衛侯與晉大夫盟自以當為盟主宜涖牛耳

成何曰衛吾溫原也焉得視

諸侯注言衛小可比晉縣不得從諸侯禮音義

馬於虔反

將歆涉佗按衛侯之手及挽注按擠也血至挽音義

歆所洽反按子對反挽烏喚反擠

疏

注正義曰說文

子計反一音子禮反說文云排也

云推排也排擠

也按是推排之意故為擠也昭十三年傳言擠于溝壑謂被推入坑也

衛侯怒王孫賈

趨進注賈衛大夫曰盟以信禮也注信猶明也有如

衛君其敢不唯禮是事而受此盟也注言晉無禮不

欲受其盟衛侯欲叛晉而患諸大夫王孫賈使次于

郊大夫問故注問不入故公以晉詬語之注詬恥也

音義

詬呼豆反語魚據反

且曰寡人辱社稷其改卜嗣寡人從

焉注使改卜他公子以嗣先君我從大夫所立大夫

曰是衛之禍豈君之過也公曰又有患焉謂寡人必

以而子與大夫之子為質注為質於晉音義質音致注及下

同大夫曰苟有益也公子則往羣臣之子敢不皆負

羈紲以從將行王孫賈曰苟衛國有難工商未嘗不

為患使皆行而後可注欲以激怒國人音義紲息列反從才

用反下說從弟下從者同難乃旦反激古狄反公以告大夫乃皆將行之行

有日注有期日公朝國人使賈問焉曰若衛叛晉晉

五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉晉人請改盟弗許○秋晉士鞅會成桓公侵鄭圍蟲牢報伊闕也注桓公周卿士不書監帥不親侵也六年鄭伐周

闕外晉為周報之音義

監古銜反為于偽反下同

遂侵衛注討叛

○九月師侵衛晉故也注魯為晉討衛○季寤注季

桓子之弟音義

寤五故反

公鉏極注公彌曾孫桓子族子

公山不狃注費宰音義

狃女九反

皆不得志於季氏叔孫

輒無寵於叔孫氏注輒叔孫氏之庶子叔仲志不得

志於魯注志叔孫帶之孫皆為國人所薄故五人因

陽虎陽虎欲去三桓以季寤更季氏注代桓子音義

去起呂反更音庚舊古孟反下皆同以叔孫輒更叔孫氏注代武叔己

更孟氏注陽虎自代懿子冬十月順祀先公而祈焉

注將作大事欲以順祀取媚辛卯禘于僖公注辛卯

十月二日不於太廟者順祀之義當退僖公懼於僖

神故於僖廟行順祀音義禘大疏正義曰釋例曰大

計反祭于太廟以審定

昭穆謂之禘禘于大廟禮之常也各以其宮時之為也雖非三年大祭而書禘用禘禮也然則禘者審定昭穆之祭也今為順祀而禘于僖公則是并取先公之主盡入僖廟而以昭穆祭之是用禘禮也計禘禮當于太廟今就僖廟為禘者順祀之義退僖升閔懼於僖公之神故於僖廟行禘禮使先公之神徧知之禮祭尊可以及卑後世之主宜上徙太廟而食今徙上世之主下入僖廟祀之當時所為非正禮也昭三十五年禘于襄公義亦然也

壬辰將享季氏于蒲圃而殺之戒都車曰癸巳至注都邑之兵車也陽虎欲以壬辰夜殺

季孫明日癸巳以都車攻三家音義

國布五反

成宰公斂

處父告孟孫曰季氏戒都車何故孟孫曰吾弗聞處

父曰然則亂也必及於子先備諸與孟孫以壬辰為

期注處父期以兵救孟氏壬辰先癸巳一日音義

先癸

悉薦反

陽虎前驅林楚御桓子虞人以鉞盾夾之陽越

殿注越陽虎從弟音義

鉞普皮反盾食允反又音允夾古洽反殿丁見反

將

如蒲圃桓子咋謂林楚注咋暫也音義

咋仕詐反

曰而先

皆季氏之良也爾以是繼之注欲使林楚免己於難

以繼其先人之良音義

難乃旦反下同

疏

正義曰而女也言女先祖以來皆為

季氏忠良之臣女今不良反以是殺我之事繼續之

對曰臣聞命後注後猶晚

陽虎為政魯國服焉違之徵死死無益於主桓子曰
何後之有而能以我適孟氏乎對曰不敢愛死懼不
免主桓子曰往也注言必往孟氏選圉人之壯者三
百人以為公期築室於門外注實欲以備難不欲使
人知故偽築室於門外因得聚衆公期孟氏支子音

義

圍魚呂反
為于偽反

林楚怒馬及衢而騁注騁馳也音義

勅騁

領反

陽越射之不中築者闔門注季孫既得入乃閉門

音義

射食亦反下同
丁仲反闔戶臘反

有自門間射陽越殺之陽虎

劫公與武叔注武叔叔孫不敢之子州仇也音義

劫居

業反仇音求

以伐孟氏公斂處父帥成人自上東門入注

魯東城之北門與陽氏戰于南門之內弗勝又戰于

棘下注城內地名陽氏敗陽虎說甲如公宮取寶玉

大弓以出舍于五父之衢寢而為食其徒曰追其將

至虎曰魯人聞余出喜於徵死何暇追余注徵召也

陽虎召季氏於蒲圃將殺之今得脫必喜故言喜於

召死音義

說本又作稅同他活反得脫徒活反又他活反

疏

注正義曰徵召也釋言文陽虎

召季孫欲殺之今既得脫魯人歡喜季孫免於召死之事何暇追我劉炫云虎召季孫欲殺之則召季孫為召死季孫得脫必大喜魯人聞我從者曰嘻速駕出去喜於召死言人人皆喜於季孫

公斂陽在注嘻懼聲音義

嘻許其反

公斂陽請追之孟孫

弗許注畏陽虎陽欲殺桓子注欲因亂討季氏以強

孟氏孟孫懼而歸之注不敢殺子言辨舍爵於季氏

之廟而出注子言季寤辨猶周徧也徧告廟飲酒示

無懼音義

言辨音徧注徧同舍如字

陽虎入于謹陽關以叛注叛

不書略家臣音義

謹音

○鄭駟歆嗣子大叔為政注

歃駟乞子子然也為明年殺鄧析張本音義

歃市專反析星

歷反

經九年春王正月

夏四月戊申鄭伯蠆卒注無傳四年盟臯鼬音義

蠆勅邁反

疏

正義曰蠆以昭二十九年即位三十二年大夫盟于狄泉以未告公而公薨故不數

得寶玉大弓注弓玉國之分器得之足以為榮失之足

以為辱故重而書之音義

分扶問反

六月葬鄭獻公注無傳三月而葬速疏

正義曰謚法博聞多能曰獻

秋齊侯衛侯次于五氏注五氏晉地不書伐者諱伐盟

主以次告疏

注正義曰傳言齊侯伐晉夷儀乃與衛侯次于五氏次既告則伐亦應告故杜以為

諱伐盟主直以次告知非不告伐故不書者若全不告魯容可不以伐告今既以次告魯何意告次不告伐明以衛新叛晉又魯與晉親故恥以伐告唯告次耳劉炫以為不告伐故不書而規杜氏非也

秦伯卒注無傳不書名未同盟

冬葬秦哀公注無傳

傳九年春宋公使樂大心盟于晉且逆樂祁之尸辭偽有疾乃使向巢如晉盟且逆子梁之尸注巢向戌

曾孫音義

向舒亮反

子明謂桐門右師出注子明樂祁之

子溷也右師樂大心子明族父也右師往到子明舍

子明遂使出門去曰吾猶衰經而子擊鐘何也注愈

其不逆父喪因責其無同族之恩音義

衰七雷反經田結反下同

右師曰喪不在此故也既而告人曰己衰經而生子

余何故舍鐘己子明也音義

舍音捨

子明聞之怒言於

公曰右師將不利戴氏注樂氏戴公族不肯適晉將作亂也不然無疾乃逐桐門右師注逐之在明年終

叔孫昭子之言○鄭駟歛殺鄧析而用其竹刑注鄧

析鄭大夫欲改鄭所鑄舊制不受君命而私造刑法

書之於竹簡故云竹刑疏

注正義曰昭六年子產鑄刑書於鼎今鄧析別造竹

刑明是改鄭所鑄舊制若用君命遣造則是國家法
制鄧析不得獨專其名知其不受君命而私造刑書
書之於竹謂之竹刑駟歛用其刑書則其法可取殺
之不為作此書也下云棄其邪可也則鄧析不為私
作刑書而殺蓋別有當死
之罪駟歛不矜免之耳

君子謂子然於是不忠苟

有可以加於國家者棄其邪可也注加猶益也棄不

責其邪惡也音義

邪似嗟反注同

疏

正義曰周禮大司寇以八辟麗邦法附刑罰三

曰議賢之辟四曰議能之法鄭玄云賢謂有德行者能謂有道藝者春秋傳曰夫謀而鮮過惠訓不倦者叔向有焉社稷之固也猶將十世宥之以勸能者今壹不免其身以棄社稷不亦惑乎是賢能之人當明罪狀可赦則赦之今鄧析制刑有益於國即是有能者殺有能之人是不忠之臣君子謂子然於是為不忠也國之臣民誠有可以加益於國家者取其善處棄其邪惡可也雖知其邪當棄而不責所以勸勉人使學為善能也

靜女之三章取彤管焉注詩邶風也言靜女

三章之詩雖說美女義在彤管彤管赤管筆女史記

事規誨之所執**音義**

彤徒冬反邶音佩說音悅

疏

正義曰邶風靜女之篇也於時

衛君無道夫人無德國人欲得貞靜之女以配國君易去無德之夫人也詩有三章其一章云靜女其姝

俟我於城隅其二章云靜女其嬈貽我彤管彤管者
筆赤管也必用赤者示其以赤心正人也古者后夫
人必有女史執赤管之筆記妃妾善惡進御之法所
以規誨人君也靜女三章之詩雖說美女之事事之
常耳無可特善彤管記事乃是婦人之大法本錄靜
女云者特為彤管之言可取故全篇取之不棄上下
之二章也其女史所書之事毛傳有其略也毛傳云
古者后夫人必有女史彤管之法史不記過其罪殺
之后妃羣妾以禮御於君所女史書其日月授之以
環以進退之生子月辰則以金環退之當御者以銀
環進之著於左手既御著於右手事無大小記以成法

竿旄何以告之取其忠

也注詩鄘風也錄竿旄詩者取其中心願告人以善
道也言此二詩皆以一善見采而鄧析不以一善存

身音義

竿旄音干下

音毛鄘音容

疏

注正義曰詩鄘風干旄之篇也於是衛文公之臣子多好

善賢者樂告以善道也其詩言大夫之好善者乘駟馬建干旄就賢者諮國事焉云子子干旄在浚之郊素絲紃之良馬四之彼姝者子何以畀之子子干旄在浚之都素絲組之良馬五之彼姝者子何以予之子子干旄在浚之城素絲祝之良馬六之其末句云彼姝者子何以告之姝順貌也賢者見其好善美其共順言己寡知復何以告之自恨無可告之明其無所吝惜本錄干旄之詩者取其中心願告人以善道彼二詩皆以一善見采而鄧析不以一善存身故君子引二詩以譏子然也

故用其道不

棄其人詩云蔽芾甘棠勿剪勿伐召伯所茇注詩召

南也召伯決訟於蔽芾甘棠之下詩人思之不伐其

樹茭草舍也音義

茭芳味反召音邵
注同茭畔末反

疏

正義曰詩召南甘棠之篇

也蔽芾小貌甘棠杜也茭草舍也召伯之聽獄訟不重煩勞百姓止舍小棠之下而聽斷焉國人被其德說其化故愛其樹彼蔽芾然小者甘棠之樹也勿得剪削之勿得斫伐之此乃是召伯舍息之處思

其人猶愛其樹况用其道而不恤其人乎子然無以

勸能矣注傳言子然嗣大叔為政鄭所以衰弱○夏

陽虎歸寶玉大弓注無益近用而祇為名故歸之音

義

祇音支

書曰得器用也凡獲器用曰得注器用者謂

物之成器可為人用者也得用焉曰獲注謂用器物

以有獲若麟為田獲俘為戰獲音義

麟本又作驎呂辛反俘芳夫反

疏

正義曰器用者謂器物可為人用凡獲此器物之用者謂之為得也得用者謂將此器用以得於物

焉謂之為獲劉炫以為得用焉曰獲謂得此可用為器之物謂之為獲若麟之皮角之屬以杜解為非今知不然者案春秋書獲唯有囚俘囚俘不可以為器物除囚俘之外惟有獲麟麟為靈獸帝王所重不可以鳳羽麟皮以飾器物劉以麟皮亦堪為器而規杜氏非也

六月伐陽關注討陽

虎也陽虎使焚萊門注陽關邑門音義

萊音來

師驚犯

之而出奔齊請師以伐魯曰三加必取之注三加兵於魯齊侯將許之鮑文子諫曰臣嘗為隸於施氏矣

注施氏魯大夫文子鮑國也成十七年齊人召而立

之至今七十四歲於是文子蓋九十餘矣魯未可取

也上下猶和衆庶猶睦能事大國注大國晉也而無

天菑若之何取之陽虎欲勤齊師也齊師罷大臣必

多死亡已於是乎奮其詐謀夫陽虎有寵於季氏而

將殺季孫以不利魯國而求容焉注求自容音義菑音

災罷音皮親富不親仁君焉用之君富於季氏而大於魯

國茲陽虎所欲傾覆也魯免其疾而君又收之無乃

害乎齊侯執陽虎將東之陽虎願東注陽虎欲西奔

晉知齊必反己故詐以東為願音義

焉於虔反傾又作頃音傾覆芳

服反

乃囚諸西鄙盡借邑人之車鏃其軸麻約而歸之

注鏃刻也欲絕追者音義

鏃苦結反軸音逐

載葱靈寢於其

中而逃注葱靈輜車名音義

葱初江反或音忽輜側其反說文云衣車也

疏

注正義曰說文云輜輶衣車也前後有蔽賈逵云葱靈衣車也有葱有靈然則此車前後有蔽兩旁

開葱可以觀望葱中豎木謂之靈今人猶名葱木為靈子其内容人卧故得寢於其中而逃

追而

得之囚於齊又以葱靈逃奔宋遂奔晉適趙氏仲尼

曰趙氏其世有亂乎注受亂人故疏

正義曰言其當世將有亂也

○秋齊侯伐晉夷儀注為衛討也音義

為于偽反下同

疏注

義曰往年衛侯叛晉叛晉必當事齊下文衛侯會之知是為衛討也

敝無存之父將室

之辭以與其弟注無存齊人也室之為取婦曰此役

也不死反必娶於高國注高氏國氏齊貴族也無存

欲必有功還取卿相之女音義

娶七佳反相息亮反

先登求自

門出死於雷下注既入城夷儀人不服故鬪死於門

屋雷下也音義

雷力又反

東郭書讓登注登城非人所樂

故讓衆使後而已先登音義

樂如字又五孝反

犂彌從之曰

子讓而左我讓而右使登者絕而後下注恐書先下

故又譎以讓之下入城也音義

犂力兮反譎古穴反

疏

正義曰言使登

城人絕皆上訖然後與書

下遂自下亦讓書而先下

書左彌先下注書從彌言

左行彌遂自先下亦讓也書與王猛息注戰訖共止

息猛曰我先登書斂甲曰曩者之難今又難焉注斂

甲起欲擊猛音義

曩乃黨反嚮也難乃旦反

猛笑曰吾從子如驂

之靳注靳車中馬也猛不敢與書爭言已從書如驂

馬之隨靳也傳言齊師和所以能克音義

騶七南反
騶馬也靳

居覲反本或作如騶之有靳
非也爭爭鬪之爭又如字

疏

正義曰詩云兩服齊
首兩騶雁行鄭云兩

服中央夾轅者然則古人車用四馬夾轅二馬謂之
服兩首齊其外二馬謂之騶首差退說文云靳當膺
也則靳是當胸之皮也騶馬之首當服馬之胸胸上
有靳故云我之從子如騶馬當服馬之靳杜言靳車
中馬也言靳是中馬之駕具故以靳表中馬詩
云騶騶是中騶騶是騶是名服馬為中馬也

晉車

千乘在中牟注救夷儀也今滎陽有中牟縣迴遠疑

非也音義

乘繩
證反

疏

注正義曰此中牟在晉竟內也趙
世家云獻侯即位治中牟漢書地

理志云河南郡有中牟縣趙獻侯自耿徙此又云三
家分晉河南之中牟魏分也杜言今滎陽有中牟縣

謂此河南之中牟也。晉世分河南為滎陽郡，中牟屬焉。此地乃在河南，計非晉竟所及。故云迴遠，疑非也。又三家分晉，中牟屬魏，則非趙得都之趙獻侯治中牟。亦非河南之中牟也。此言晉車在中牟哀五年趙鞅伐衛，圍中牟，論語佛肸為中牟宰，與趙獻侯所都中牟或當是一。必非河南中牟，當於河北別有中牟，但不復知其處耳。有臣瓚者，不知其姓，或云姓傅，作漢書音義云：臣瓚案河南中牟，春秋之時在鄭之疆內，及三卿分晉，則為魏之邦土。趙界自漳水以北，不及此也。春秋衛侯如晉，過中牟，案此之中牟非衛適晉之次也。汲郡古文曰：齊師伐趙，東鄙圍中牟。此中牟不在趙之東也。案中牟當在溫水之上，瓚言河南中牟非此中牟，誠如其語，謂此中牟當在溫水之上，不知其所案據也。

衛侯將如五氏

注齊侯在五氏將往助之卜過之龜焦注衛至五氏

道過中年畏晉故卜龜焦兆不成不可以行事也衛

侯曰可也衛車當其半寡人當其半敵矣注衛侯怒

晉甚不復顧卜欲以身當五百乘音義

復扶又反

乃過中

牟中年人欲伐之衛褚師圃亡在中年曰衛雖小其

君在焉未可勝也齊師克城而驕其帥又賤注城謂

夷儀也帥謂東郭書音義

褚中呂反帥所類反注同

疏

注正義曰杜見傳言

帥賤則云是東郭書劉炫云案上伐夷儀乃齊侯親兵所陳東郭書之事非是將帥杜何知帥謂東郭書若東郭書為帥則人無不識何故云暫憤而衣貍製齊侯使視之乃知夫子也且書若為帥被晉之敗何

故君以為功而更受賞乎今知劉難非者以此云克城而驕其帥又賤文既相連止是一事克城謂克夷儀其帥則克城之帥上克城之事郭書先登故知郭書為帥身先士卒也僖二十三年晉侯親自敗狄而卻缺為將成十六年楚子親戰鄢陵而子反為主今齊侯雖伐夷儀郭書何妨別為元帥戎事上下同服故逢丑父得與齊侯易位郭書雖為元帥軍衆之內齊侯容或不辨齊侯賞其先登之功不責其後敗之罪故以為帥謂東郭書劉據此諸事以為更有別帥而規杜非也

遇必敗之不如從

齊乃伐齊師敗之注獲齊車五百乘事見哀十五年

音義

見賢遍反

齊侯致禕媚杏於衛注三邑皆齊西界以

荅謝衛意音義

禕諸若反媚武冀反杏戶猛反

齊侯賞犂彌犂彌辭

曰有先登者臣從之皙幘而衣狸製注皙白也幘齒

上下相值製裘也音義

皙星歷反幘音策又音責說文作齧音義同衣於旣反狸

力之反製音制

疏

注正義曰詩君子偕老之篇說夫人之美云揚且之皙皙是面白之名故為白也說

文云齧齒相值也言齒長而白上下之齒相當也說文云製裁也衣狸製謂著狸皮也裁皮著之明是裘矣故以製為裘也月令孟冬天子始裘傳言秋齊侯伐夷儀周之秋未寒而衣裘者衣二十七年傳言陳成子衣製杖戈文在秋上製亦裘也然則在軍之服或臨時所須不可以寒暑常節約之

東郭書曰乃夫子也吾貺子注貺賜也音義

貺音况

公

賞東郭書辭曰彼賓旅也注言彼與我若賓主相讓

旅俱進退乃賞犂彌齊師之在夷儀也齊侯謂夷儀

人曰得敝無存者以五家免注給其五家令常不共

役事音義

令力呈反共音恭

疏

注正義曰一人得之則以五家給所得者令常不共國家

役事服虔云是時齊克夷儀而有之既為齊有故齊得優其徭役也然夷儀故邢都也邢滅入衛後乃屬晉自齊而伐夷儀其入晉竟深矣不必永為齊有當時暫得之耳乃得其尸公三禭

之注禭衣也比殯三加禭深禮厚之音義

禭音遂比必利反

疏

注正義曰送死之禮衣服曰禭故以禭為衣也公三禭之則明三時與衣自死至殯有襲與小斂大

斂比殯三加衣也無存舊是賤人蓋初以士服次大夫服次卿服也下與之屏軒屏軒是卿車明三禭終

服以卿

與之犀軒與直蓋注犀軒卿車直蓋高蓋疏

正注

義曰說文云軒曲旃也謂軒車有藩蔽也下云齊侯
斂諸大夫之軒邴意茲乘軒意茲非卿也傳稱曹乘
軒者三百人詩毛傳云大夫以上赤芾乘軒大夫亦
乘軒矣指言卿車者言以貴者賞之也魚軒以魚皮
為飾犀軒當以犀皮為飾也考工記車人為蓋不言
有曲此云直蓋或時有曲直故云直蓋高蓋亦謂車
蓋也而先歸之坐引者以師哭之注停喪車以盡哀也

君方為位而哭故挽喪者不敢立音義

挽音晚

親推之

三注齊侯自推喪車輪三轉音義

推如字又他回反

春秋左傳注疏卷五十五

春秋左氏傳注疏卷五十五考證

傳子浦曰吾未知吳道注道猶法術○臣浩按杜所以

解為法術者以時吳已據楚不得言吳之道路也法術謂吳人攻戰之術

傳奔楚為堂谿氏○臣召南按後漢郡國志汝南郡吳

房有棠谿亭

公侵鄭○林堯叟曰自宣之季年凡伐不言公魯無君將之事八十年矣自是書公侵鄭則以公山不狃侯

犯陽虎之專也故曰政逮于大夫四世矣故夫三桓之子孫微矣

季孫斯仲孫忌帥師圍郕注何忌不言何闕文○呂祖謙曰仲孫忌之為脫文無疑也公羊以為譏二名非是

傳公侵鄭取匡注取匡不書歸之晉○趙汭補注曰杜氏知匡歸晉者以非鄰國不能有其地

傳子期又以陵師敗于繁揚○林堯叟曰以上文有舟

師故以陵師敗之

傳於是乎遷郢於郢○臣召南按郢即漢時南郡之江

陵郢即若縣後漢以為郢縣者也漢志若楚昭王畏
吳自郢徙此後復還郢顏師古注曰春秋傳作郢其
音同是也

齊侯鄭伯盟于鹹○林堯叟曰此特相盟也特相盟自
齊桓以來未之有也於是再見諸侯無主盟矣是故
書石門以志諸侯之合書鹹以志諸侯之散此春秋

之始終也

九月大雩疏劉以賈言規杜○監本脫劉以二字今添
晉士鞅帥師侵鄭遂侵衛○林堯叟曰晉始伐與國也
於襄之二十三年齊始叛晉取朝歌去年鄭始叛晉
盟齊于鹹衛始叛晉盟齊于沙于是侵鄭衛又明年
及齊平雖魯亦叛晉矣故悉書之也

葬曹靖公疏謚法共以解信曰靖○推尋文義似應作
共己鮮言曰靖

傳魯於是始尚羔○臣召南按晉范鞅將中軍是上卿

趙鞅荀寅盖上下軍將下卿也唯上卿執羔餘俱執雁以晉例魯則唯季孫可執羔叔孫孟孫皆宜執雁耳

傳將歃涉佗按衛侯之手及挽注血至挽○趙汭補注曰傳不言見血杜注甚矣言及挽者以大夫辱國君詳其事也臣照按按衛侯之手及挽杜云血至挽非

以刀傷其手也盖歃血之時擠血以濺其手流至挽

耳故杜云血至挽趙汭謂傳不言見血杜注甚矣似以血為衛侯傷手流血而不知其為所軟之牛血也傳靜女之三章取彤管焉疏生子月辰則以金環退之○退監本訛作進今改正

傳乃過中牟疏戎事上下同服○下監本訛作衣今改正

春秋左氏傳注疏卷五十五考證